



Broj: 02-04-2-1927/24  
Maglaj, 13.12.2024. godine

### ZAPISNIK

sa 1. redovne sjednice Općinskog vijeća Maglaj  
održane dana 13.12.2024. godine u 16:00 sati u Sali Općinskog vijeća  
JU Dom kulture «Edhem Mulabdić» Maglaj

**Predsjedavajuća Aida Bašić:** Na osnovu člana 59. Poslovnika o radu Općinskog vijeća Maglaj, zaključaka Kolegija od 06.12.2024. godine, otvaram 1. redovnu sjednicu Općinskog vijeća Maglaj. Na današnju sjednicu pozvani su vijećnici iz parlamentarnih političkih stranaka: SDP, SDA, DF, SNAGA NARODAM PDA, BH ZELENI I NAPRIJED BH. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona. Također želim da pozdravim i našeg uvaženog kantonalnog ministra Adnana Siroviću, koji je danas prisutan na sjednici.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozivkom vijećnika utvrdimo broj vijećnika na 1. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 25 vijećnika. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Prije nego predemo na verifikaciju samog zapisnika sa protékne sjednice, želim da upoznam vijećnike o formiranim Klubovima unutar Općinskog vijeća Maglaj. Formiran je Klub SDP-a, predsjednik Kluba je Firuz Galijašević a zamjenik je Adin Obralić. Formiran je također Klub SDA, predsjednik je Adis Abdurahmanović, a zamjenik je Eldin Pehrat, Mješoviti klub SNAGA NARODA i PDA, predsjednik je Nesib Serhatlić a zamjenik je Aida Bašić. Klub DF-A Mirza Mešić je predsjednik Kluba a zamjenik je Aida Hadžić, drugi Mješoviti Klub BH ZELENI NAPRIJED BH, predsjednik je Mehmedović Mustafa, a njegov zamjenik je Burić Kenan. Na današnjoj sjednici izvršit ćemo i verifikaciju zapisnika sa konstituirajuće sjednice Općinskog vijeća, ima li primjedbi? Nema, ko je za verifikaciju? Ukoliko nema primjedbi zapisnik savljam na verifikaciju, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

**Predsjedavajuća Aida Bašić:** Konstatujem da smo jednoglasno verificovali zapisnik sa protekle sjednice Vijeća. Prije nego predemo na raspravu po pitanju Dnevnog reda, tražim kratku pauzu za članove Kolegija. Evo nastavljamo dalje, poslije sjednice Kolegija, prelazimo na raspravu po pitanju Dnevnog reda. Da li ima prijedloga za proširenje Dnevnog reda? Evo uzet ću riječ, pa ću ispred Kolegija predložiti proširenje Dnevnog reda sa tačkom Rješenje o imenovanju dva člana Upravnog odbora JU Dom zdravlja Maglaj na kraći period. Za sve vas informacija znači da sam Kolegij upoznala sa dopisom od strane direktorice JU Dom zdravlja Maglaj, koja nas je informisala odnosno i mi smo i ranije upoznati sa ostavkama dva člana Upravnog odbora Doma zdravlja, te Upravni odbor Doma zdravlja trenutno ima samo jednog člana i kao takav ne može funkcionisati. Direktorica se obratila, te između ostalog je navela sljedeće da je zakonska obaveza da se izvrši popis zaključno sa 31.12.2024. godine a Odluka o imeovanju komisije za vršenje popisa donosi Upravni odbor ustanove. Znači, jasno je da mora postojati Upravni odbor kako bi se ova zakonska obaveza izvršila, naravno navela je i koje u slučaju neizvršavanja obaveze kakve su kazne za Dom zdravlja Maglaj. Tako da je Kolegij suglasan usvojio je sa većinom glasova za, da se ova tačka stavi na Dnevni red današnje sjednice, te bi ovo bila tačka broj 6. a ostale bi se tačke pomjerale kako slijedi. Naravno ovo je prijedlog jedan koji se odnosio na prijedlog samog Kolegija za proširenje Dnevnog reda. Otvorena je rasprava, da li se još neko javlja za riječ. Gospodine Obralić, jeste se javili za riječ? Morate sa govornice, izvolite za govornicu.

**Vijećnik Adin Obralić:** S obzirom, da se prvi put javljam sve vas srdačno selamim i pozdravljam, ja bih također na Dnevni red tražio onaj dopunu Dnevnog reda, da kao prva tačka ovog Dnevnog reda ide poništenje Odluke o izboru predsjedavajuće sa konstituirajuće sjednice, uz naravno obrazloženje Općinskog pravobranioca da li je grubo prekršen Statut Općine Maglaj. Hvala lijepo.

**Predsjedavajuća Aida Bašić:** Hvala gospodine Obralić. Da li se još neko javlja za riječ? Ukoliko nema više prijedloga, zatvaram raspravu po pitanju proširenja ili dopune Dnevnog reda, te stavljam na glasanje prijedloge koji su pristigli. Prvi prijedlog je bio znači prijedlog samog Kolegija, a to je Rješenje o imenovanju dva člana Upravnog odbora JU Dom zdravlja Maglaj na kraći period. Te stavljam na glasanje, ko je da se Dnevni red proširi sa ovom tačkom, da bude tačka 6. Ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

Konstatujem da smo Dnevni red proširili sa tačkom Rješenje o imenovanju dva člana Upravnog odbora JU Dom zdravlja Maglaj na kraći period i to će biti tačka 6. Drugi prijedlog za dopunu Dnevnog reda, da bude tačka 1. Da se poništi Odluka o izboru predsjedavajuće sa konstituirajuće sjednice Općinskog vijeća Maglaj. Ko je da se Dnevni red proširi sa ovom tačkom? Ko je za?

**Glasalo za:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

**Glasalo protiv:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Uzdržanih:** Nema.

Konstatujem da Dnevni red se neće proširiti sa ovom tačkom, tako da ćemo sada pročitati Prijedlog za usvajanje kompletnog Dnevnog reda za 1. redovnu sjednicu Općinskog vijeća Maglaj.

## DNEVNI RED

1. Prijedlog Odluke o pristupanju djelimičnoj izmjeni Regulacionog plana „Stari Grad“ po zahtjevu Šečić Hajrudina po punomoćnicima advokatima iz Advokatskog društva Hrnjić i partneri doo Žepče
2. Prijedlog Odluke o pristupanju djelimičnoj izmjeni Regulacionog plana „Novi Šeher“ po zahtjevu Društva Šehercon d.o.o. Novi Šeher
3. Rješenje o razrješenju dva člana Upravnog odbora JU „Dom zdravlja“ Maglaj
4. Prijedlog Odluke o pokretanju procedure izbora i imenovanja dva člana Upravnog odbora JU „Dom zdravlja“ Maglaj
5. Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj
6. Rješenje o imenovanju dva člana Upravnog odbora JU Dom zdravlja Maglaj na kraći period
7. Periodični finansijski izvještaj Budžeta/Proračuna Općine Maglaj za period 01.01.-30.06.2024. godine
8. Izvještaj o izvršenju tekuće budžetske rezerve od 01.01.-30.06.2024. godine
9. Izvještaj o izvršenju Budžeta/Proračuna Općine Maglaj za period 01.01.-30.06.2024. godine
10. Periodični finansijski izvještaj Budžeta/Proračuna Općine Maglaj za period 01.01.-30.09.2024. godine
11. Izvještaj o implementaciji „Strategije razvoja općine Maglaj 2021-2027. godine“ – Izvještaj o razvoju za 2023. godinu
12. a) Izvještaj o radu za 2023/24 godinu JU „Dječiji vrtić“ Maglaj sa finansijskim pokazateljima utroška sredstava iz Budžeta Općine Maglaj  
b) Program rada JU „Dječiji vrtić Maglaj za 2024/2025. godinu
13. Informacija o stanju u oblasti poljoprivrede na području općine Maglaj
14. Informacija o stanju obrta, malog i srednjeg poduzetništva na općini Maglaj

Vijećnička pitanja i inicijative.

**Predsjedavajuća Aida Bašić:** Ko je za predloženi Dnevni red? Ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

**Uzdržanih:** Nema.

Konstatujem da smo usvojili predloženi Dnevni red za 1. redovnu sjednicu Općinskog vijeća Maglaj.

**AD 1. Prijedlog Odluke o pristupanju djelimičnoj izmjeni Regulacionog plana „Stari Grad“ po zahtjevu Šečić Hajrudina po punomoćnicima advokatima iz Advokatskog društva Hrnjić i partneri doo Žepče**

**Predsjedavajuća Aida Bašić:** Tačka 1. Prijedlog Odluke o pristupanju djelimičnoj izmjeni Regulacionog plana „Stari Grad“ po zahtjevu Šečić Hajrudina po punomoćnicima advokatima iz

Advokatskog društva Hrnjić i partneri doo Žepče. Otvaram raspravu, da li nam je potreban uvodničar. Nedžade, izvolite.

**Nedžad Čatić:** Pozdravljam sve prisutne. Zahtjevom za izmjenu Regulacionog plana Stari Grad obratio se Šečić Hajrudin, ova izmjena je koliko se sjećaju vjerovatno ovi koji su već bili u Vijeću bila jedna izmjena prošle godine, ustvari ove godine. Ova izmjena se odnosi na lokacijsko pomjeranje objekta u okviru vlasničke parcele podnosioca zahtjeva, tako da bi se ona pomjerila nešto bliže saobraćajnici. Nije se moglo bez izmjene Regulacionog plana obzirom da se radi o pomjeranju građevinske linije a općinska služba nema ovlasti da to uradi bez izmjene Regulacionog plana. Isto tako bi se kroz ovu izmjenu izmijenila namjena objekta, tako da bi se izmijenila pošto je po sadašnjem važećem planu namjena objekta stambena, predvidio bi se stambeno poslovni objekat.

**Predsjedavajuća Aida Bašić:** Nedžade, redovna procedura?

**Nedžad Čatić:** Redovna procedura jeste.

**Predsjedavajuća Aida Bašić:** Hvala lijepo. Rasprava je otvorena, da li se neko javlja za riječ? Armina Mustabašić vijećnica izvolite, nakon toga Arif.

**Vijećnica Armina Mustabašić:** Uvaženi načelnice, uvažena predsjedavajuća i dopredsjedavajuća Općinskog vijeća, uvaženi vijećnici, kolege i gosti želim prvo da vas pošaljam i da vas pozdravim. Prije nego što se očitujem po prvoj tački Dnevnog reda, želim evo da iskoristim ovu priliku i da vam javno poželim sreću. Želim nam puno uspješnog rada za, borit ćemo se znači za dobrobit naše općine Maglaj. Kada je riječ o prvoj tački Dnevnog reda znači, Prijedlog Odluke o pristupanju djelimičnoj izmjeni Regulacionog plana „Stari Grad“ stav Kluba vijećnika SDA jeste da ćemo mi podržati sve ono što ide u korist građana općine Maglaja što je u skladu sa zakonom. S obzirom, znači, da se radi o ovom slučaju koji je vezan za Stari Grad, odnosno o nečemu što će jednostavno dovesti do rehabilitacije i oživljavanja Starog Grada, mi ćemo podržati ovaj prijedlog. Hvala.

**Predsjedavajuća Aida Bašić:** Hvala Armina, vijećnik Arif izvolite.

**Vijećnik Arif Mujkanović:** Dobar dan, pozdravit ću također sve prisutne u sali i zaželit uspješan rad. Pitat ću šefa službe da li postoje, ustvari ovdje vidimo da je djelimična izmjena djelimične izmjene Regulacionog plana i da li postoji ikakve zakonske prepreke za donošenje ovakve izmjene. Vidim također, predstavnike iz Starog Grada, predstavnike firme i da li su oni ovakvo usaglašeni, da li su usaglašeni sa ovakvom Odlukom, pa bih molio od šefa službe da dobijem ovdje detaljno obrazloženje i mojih pitanja. Hvala lijepo.

**Predsjedavajuća Aida Bašić:** Hvala vijećniku Arifu, da li se još neko javlja za riječ? Šef je predložio redovan postupak. Da li ima još diskutadata? Ukoliko nema, Nedžade, zamolit ću Vas da odgovorite na pitanje.

**Nedžad Čatić:** Ovdje se radi faktički o djelimičnoj izmjeni Regulacionog plana a ne izmjeni djelimične izmjene, mislim ta djelimična izmjena što je već bila ona je faktički već uokvirena u taj Regulacioni plan. Nema nekih propisanih da se ne može to mijenjati, mislim Regulacioni plan se može mijenjati, ima samo propisano kad se donese novi Regulacioni plan kad se može mijenjati. Ovo što se tiče ove izmjene to nema nigdje da se ne može mijenjati.

**Predsjedavajuća Aida Bašić:** Za postupak ste rekli.

**Nedžad Čatić:** Za postupak sam rekao da bude redovan postupak, znači sa kompletnom procedurom.

**Predsjedavajuća Aida Bašić:** Hvala lijepo Nedžade. Ukoliko nema više diskutadata, prije glasanja pauza na zahtjev Kluba SDP-a, izvolite. Nastavljamo dalje nakon pauze, rasprava vezana za tačku broj 1. je zatvorena, tako da ćemo preći na glasanje. Stavljam na glasanje Prijedlog Odluke o pristupanju djelimičnoj izmjeni Regulacionog plana „Stari Grad“ po zahtjevu Šečić Hajrudina po punomoćnicima advokatima iz Advokatskog društva Hrnjić i partneri doo Žepče, redovan postupak po prijedlogu šefa službe, ko je za?

**Glasalo za:** Adis Abdurahmanović, Eldin Pehrat, Armira Mustabašić, Maida Burajić, Edin Salatović, Alen Ridžal, Amer Musić, Eldis Kustur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smajlović, Senad Šehić (SDP).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili tačku 1.

## ZAKLJUČAK

- 1.1. Donosi se Odluka o pristupanju djelimičnoj izmjeni Regulacionog plana „Stari Grad“ po zahtjevu  
Šečić Hajrudina po punomoćnicima advokatima iz Advokatskog društva Hrnjić i partneri doo Žepče;
- 1.2. Postupak izmjene Regulacionog plana provodit će se po redovnom postupku.

### AD 2. Prijedlog Odluke o pristupanju djelimičnoj izmjeni Regulacionog plana „Novi Šeher“ po zahtjevu Društva Šeherconi doo Novi Šeher

**Predsjedavajuća Aida Bašić:** Prelazimo na tačku 2. a to je Prijedlog Odluke o pristupanju djelimičnoj izmjeni Regulacionog plana „Novi Šeher“ po zahtjevu Društva Šeherconi doo Novi Šeher. Otvaram raspravu i pozivam šefa da nam se obrati.

**Nedžad Čatić:** Zahtjevom za djelimičnom izmjenom Regulacionog plana Novi Šeher obratilo se društvo Šeherconi d.o.o. iz Novog Šehera. Oni su kupili zemljište koje od Natron Hayata, to je onaj pogon što je bio u Novom Šeheru i imaju namjeru graditi poslovni objekat, tako da kroz ovaj zahtjev za izmjenu traže da se na tom lokalitetu opredijeli izgradnja jednog poslovnog prostora i da se zadrže postojeći objekti koji su bili, koje je Natron nekada izgradio i koji ima i građevinske dozvole. Po sadašnjem stanju Regulacionog plana na tom lokalitetu je predviđena izgradnja Doma kulture i jednog poslovnog objekta a ovi objekti koji su bili predviđeni za rušenje i također je predviđena izgradnja jednog parkinga sa kojeg bi se imali prilaz oni objekti koji se nalaze iza te lokacije. Kroz ovu izmjenu Regulacionog plana bi se također opredjelila drugo saobraćajno rješenje i tako da bi se ustvari da kažem legalizovao postojeće stanje, postojeći prilazi tim objektima koji ide neposredno nakon mosta u Novom Šeheru i ide lijevo po parceli koja je u vlasništvu ZDK i dijelom kroz parcelu koja je u vlasništvu Šeherconija. Također predlažem da bude redovan postupak.

**Predsjedavajuća Aida Bašić:** Rasprava je otvorena, da li se neko javlja za riječ? Vijećnik Amer Musić, izvolite.

**Vijećnik Amer Musić:** Prije svega da vas sve pozdravim i poselamim. S obzirom, da je u ovom konkretnom slučaju ne vidimo ništa sporno, odnosno radi se o promjeni i namjeni već izgrađenih objekata koji su u vlasništvu firme Šeherconi d.o.o., te smo opredjeljeni za razvoj privrede kako na novošeherkom kraju, tako i na cjelokupnom području općine Maglaj, što će u konačnici dovesti do povećanja broja radnih mjesta, Klub vijećnika će podržati ovaj prijedlog. Hvala.

**Predsjedavajuća Aida Bašić:** Hvala lijepo, da li se neko još javlja za diskusiju? Ukoliko nema više diskutacija, zatvaram raspravu po pitanju tačke 2. te stavljam na glasanje Prijedlog Odluke o

pristupanju djelimičnoj izmjeni Regulacionog plana „Novi Šeher“ po zahtjevu Društva Šeherconi d.o.o. Novi Šeher, redovan postupak, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili tačku 2

## ZAKLJUČAK

2.1. Donosi se Odluka o pristupanju djelimičnoj izmjeni Regulacionog plana „Novi Šeher“ po zahtjevu Društva Šeherconi doo Novi Šeher;

2.2. Postupak izmjene Regulacionog plana provodit će se po redovnom postupku.

### AD 3. Rješenje o razrješenju dva člana Upravnog odbora JU „Dom zdravlja“ Maglaj

**Predsjedavajuća Aida Bašić:** Tačka 3. Rješenje o razrješenju dva člana Upravnog odbora JU „Dom zdravlja“ Maglaj. Otvaram raspravu. Evo čisto radi obrazloženja Emina će nam objasniti o čemu se radi.

**Emina Hasanić:** Obzirom, da izlazim prvi put sve vas srdačno selamim i pozdravljam. Tačka je znači, Rješenje o razrješenju člana Upravnog odbora JU „Dom zdravlja“ Maglaj. Imate u materijalima u obrazloženju da je član Uma Isić podnijela ostavku, da je član također Adin Obralić koji je ovdje prisutan kao vijećnik, također je podnio ostavku. U obrazloženju je navedeno razlozi ostavke a evo čisto da ponovim, znači da je član Uma Isić Općinskom vijeću podnijela ostavku na dužnost članstva Upravnog odbora JU Dom zdravlja Maglaj iz ličnih razloga, a koja je imenovana na tu dužnost 29.11.2023. godine. Također, član Upravnog odbora Adin Obralić je podnio neopozivu ostavku na dužnost u članstvo u Upravnom odboru zbog nespojivosti jer mu je Odlukom Centrane izborne komisije BiH o potvrđivanju rezultata Izboru 2024. godine potvrđen mandat u Općinskom vijeću Maglaj. Na vama je samo da razrješite dužnosti da bi mogli dalje provesti proceduru imenovanja novih članova Upravnog odbora i da bi ustanova mogla funkcionisati normalno.

**Predsjedavajuća Aida Bašić:** Hvala lijepo Emina, da li se neko javlja za riječ, mislim da je sasvim jasno o čemu se radi. Zatvaram raspravu, obzirom da je nema diskutana, stavljam na glasanje. Ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili tačku 3. a to je Rješenje o razrješenju dva člana Upravnog odbora JU „Dom zdravlja“ Maglaj

## ZAKLJUČAK

3.2. Donosi se Rješenje o razrješenju dva člana Upravnog odbora JU „Dom zdravlja“ Maglaj.

### AD 4. Prijedlog Odluke o pokretanju procedure izbora i imenovanja dva člana Upravnog odbora JU „Dom zdravlja“ Maglaj

**Predsjedavajuća Aida Bašić:** Prelazimo na tačku 4. a to je Prijedlog Odluke o pokretanju procedure izbora i imenovanja dva člana Upravnog odbora JU „Dom zdravlja“ Maglaj. Tačka 4. je vezana za tačku 3. Znači sasvim logičan slijed koraka. Da li vam je potreban uvodničar, odnosno da li je potrebno da Emina obrazloži i tačku 4. Otvaram raspravu, izvolite vijećnik Firuz.

**Vijećnik Firuz Galijašević:** Pozdravljam sve prisutne. Sad pošto smo mi, sad mi je tek palo napamet vjerujte, pošto smo mi sada, pošto je ubačena nova tačka Dnevnog reda, kada je u pitanju izbor dva člana na kraći period. Ne vidim onda svrhu sada pokretanje ove procedure, pošto će biti procedura izbora dva člana na kraći period. Moje mišljenje.

**Predsjedavajuća Aida Bašić:** Dobit ćete odgovor, hvala lijepo. Da li ima još diskutanaata?  
Vijećnik Arif izvolite.

**Vijećnik Arif Mujkanović:** Mislio sam, mislim poštovat ću govornicu pa ću samo radi govornice i do sada ste davali, tražili smo objašnjenje pa neka bude i ovo od sada, hvala lijepo.

**Predsjedavajuća Aida Bašić:** Naravno, naravno. Da li se još neko javlja za riječ? Ukoliko nema, evo Emina će odgovoriti na pitanje vijećnika Firuza.

**Emina Hasanić:** Članovima Upravnog odbora znači Umi Isić i Adinu Obraliću je trajao mandat otprilike ja mislim do 5-6 mjeseca 2025. godine, s tim da se još ne zna kad će, ne možemo unaprijed ništa reći, kada će se raspisati procedura za nove članove Upravnog odbora. Raspisivanjem odnosno pokretanjem ove procedure i imenovanja ide do isteka mandata ostalim članovima. Znači, ne idemo na imenovanje sad članova Upravnih odbora na četiri godine, nego samo do imenovanja novih članova. Obzirom, da ova procedura traje otprilike do jedno 2 mjeseca, cirka ne mogu vam reći sada 100 % za koliko vremena će se završiti a hitnost donošenja ove naredne Odluke, odnosno Rješenja je takva da mi moramo danas imenovati ove članove na kraći period. Nadam se da mi je obrazloženje dovoljno bilo jasno.

**Predsjedavajuća Aida Bašić:** Hvala Emina. Ukoliko nema više, molim vas ukoliko želite nešto da pitate vijećnik Adin obralić izvolite javite se i dobit ćete riječ. Hvala lijepo. Tačka 4. Prijedlog Odluke o pokretanju procedure izbora i imenovanja dva člana Upravnog odbora JU „Dom zdravlja“ Maglaj, stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili tačku 4.

## ZAKLJUČAK

4.1. Donosi se Odluka o pokretanju procedure izbora i imenovanja dva člana Upravnog odbora JU „Dom zdravlja“ Maglaj.

## **AD 5. Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj**

**Predsjedavajuća Aida Bašić:** Prelazimo na tačku 5. Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj. Otvaram raspravu, Emina obzirom da su, možete se očitovati, znači mislim da je sasvim logično, jasno da moramo imenovati Komisiju koja će provesti ovo što smo gore usvojili. Tako da evo ako treba još nešto dodatno bit će vam pojašnjeno a ako ne, izvolite diskutovati. Da li se neko javlja za riječ? Obzirom da nema diskusija zatvaram raspravu i tačku 5. stavljam na glasanje, ko je za? Prije glasanja pauza na zahtjev Kluba SDP-a. Rasprava je zaključena, evo poslije pauze Kluba SDP-a stavljam na glasanje Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj, ko je za?

**Glasalo za:** Adis Abdurahmanović, Eldin Pešrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

Konstatujem da je tačka 5. dobila potrebnu većinu.

## **ZAKLJUČAK**

5.1. Donosi se Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj u sastavu: Azra Čakrama predsjednik, Ermina Hajdić član, Ferhat Bradarić član, Nasiba Bočić član i Adi Spahić član.

## **AD 6. Rješenje o imenovanju dva člana Upravnog odbora JU Dom zdravlja Maglaj na kraći period**

**Predsjedavajuća Aida Bašić:** Prelazimo na tačku 6. a to je Rješenje o imenovanju dva člana Upravnog odbora JU Dom zdravlja Maglaj na kraći period. Otvaram raspravu i evo Emina, molim Vas da još jednom pojasnite i da nam predložite određene stvari.

**Emina Hasanić:** Imate znači tačku Rješenje o imenovanju dva člana Upravnog odbora JU Dom zdravlja Maglaj na kraći period. Članom 4. Zakona o ministarskim i vladinim i drugim imenovanjima FBiH je propisano da nominacija, odnosno imenovanje na kraći period su nominacije ili imenovanja na najviše 3 mjeseca, koja se ne mogu ponoviti. Razlozi za donošenje su ti da je član Upravnog odbora Uma Isić podnijela ostavku, član također ispred stručnih radnika Adin Obralić je podnio ostavku. Slijed događaja pokrenuli smo proceduru prethodne tačke smo usvojili. Eh sada, donosimo ovaj donosimo, odnosno predlažemo donošenje Rješenja za imenovanje dva člana Upravnog odbora JU „Dom zdravlja“ Maglaj na kraći period. S obzirom, da smo na Kolegiju razmatrali vezano za uslove koje trebaju da ispunjavaju članovi Upravnog odbora, ti uslovi su isti kao da je i regularna procedura za imenovanje, odnosno kao da je propisan, odnosno kao da je raspisan Javni konkurs. Prije nego što krenemo sa predlaganjem odnosno vi krenete sa predlaganjem osoba koje će za članove Upravnog odbora, u samoj Rješenju pozivam na član 4. Zakona o ministarskim, za donošenje tog Rješenja. Uslove koje trebaju ispunjavati članovi Upravnog odbora je vezano za Odluku o postupcima, standardim i kriterijima imenovanja na



poziciju u reguliranim organima Općine Maglaj, koje je donijelo Općinsko vijeće 2017. godine. Tom Odlukom su propisani opći i posebni uslovi koje osobe koje se kandiduju, odnosno konkurišu ili eventualno i vi danas predložite za članove Upravnog odbora moraju ispunjavati. Je li ima potrebe da vam čitam, da ne budem dosadna da vam kažem evo nabrojat ću a vi meni sugerišite ako sam vam naporna, kada budem citirala, odnosno decidno nabrajala koji su to uslovi. Opći uvjeti za imenovanje, odnosno nominiranje na upražnjenu poziciju u reguliranim tijelima Općine Maglaj su da je državljanin Bosne i Hercegovine, da je stariji od 18 godina, da nije otpušten iz državne službe kao rezultat disciplinske mjere, bilo na nivou države ili entiteta u periodu od 3 godine prije dana objavljivanja upražnjene pozicije, da se na njih ne odnosi član 9. Stav 1. Ustava BiH, da nije na funkciji u političkoj stranci u smislu člana 5. Zakona o ministarskim i vladinim i drugim imenovanjima FBiH, da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlastima i FBiH, da nema privatni ili finansijski interes u instituciji u kojoj se kandiduje, da nije osuđivan za krivično djelo nespojivo sa imenovanjem na dužnost u instituciji u koju se kandiduje, 5 godina od dana pravosnažnosti presude, uključujući i vrijeme zatvorske kazne i da mu nije izrečena zaštitna mjera zabrane obavljanja aktivnosti 3 godine od dana pravosnažnosti odluke o izrečenoj zaštitnoj mjeri. Posebni uslovi za članove Upravnih odbora koji regulišu oblast za koju je osnovan i registrovan regulirani organ su visoka stručna sprema, VII stepen stručne spreme, dokaz o završenom visokom obrazovanju, odnosno prvog najmanje 240 bodova, drugog ili trećeg ciklusa bolonjskog sistema studiranja. Izuzetno posebni uslov može biti visoka stručna sprema odnosno viša ili srednja stručna sprema kada je očigledno neophodno osigurati sastav reguliranih tijela predstavnika građana, roditelja, zaposlenika, korisnika i slično. Najmanje 3 godine radnog iskustva nakon sticanja visoke stručne spreme, odnosno 5 godina nakon sticanja više ili srednje stručne spreme. Da nije član Nadzornog ili Upravnog odbora, odnosno Odbora za reviziju nekog privrednog društva ili institucije, da nije vlasnik ili član uprave nekog privrednog društva ili institucije, komunikacijske, organizacijske sposobnosti, sposobnost tumačenja propisa iz oblasti za koju je regulirani organ osnovan. Sposobnost upravljanja finansijskim i ljudskim resursima i poželjno je poznavanje stranih jezika. S tim da ovdje ispunjava, osobe koje ispunjavaju ove uslove biraju se ispred osnivača jedan član a jedan ispred stručnih radnika zdravstvene ustanove. Obzirom, da prilikom samog donošenja rješenja kada predložite osobe mi nemamo njihovu dokumentaciju da znamo 100% da li ispunjavaju uslove. Na Kolegiju smo predložili da prilikom danas donošenja Rješenja, prilikom samog donošenja rješenja, Rješenje stupa na snagu danom donošenja ali da napravimo zaključak da su osobe koje danas predložimo, odnosno osobe koje danas nominujete a budu imenovanje ovim Rješenjem, obavežemo da u roku od 5 dana dostave svu potrebnu dokumentaciju kojom dokazuju uslove ispunjene ovom Odlukom o postupcima, standardima i kriterijima imenovanja na pozicije u reguliranim organima Općine Maglaj. Tako da će takav zaključak i glasiti, odnosno nakon što imenovani kandidati odnosno osobe prime Rješenje o imenovanju dva člana Upravnog odbora JU Dom zdravlja Maglaj dužni su u roku, evo nekako ostavit ćemo 5 dana je logično da ne ostavimo dva dana, obaveze su koje moraju izvršiti do Nove godine, sljedeća sjednica ne znamo kad će biti, znači, sve nas, znači sve ima nekako svoje rokove, pa smo ostavili rok od 5 dana koji je i opravdavajući. Pet dana od prijema Općinskom vijeću Maglaj dostaviti svu neophodnu dokumentaciju kojom se dokazuju ispunjeni uslovi na upražnjenje pozicije u reguliranim tijelima Općine Maglaj.

**Predsjedavajuća Aida Bašić:** Hvala Emina, rasprava je otvorena. Da li se neko javlja za riječ? Vijećnik Adis Abudrahmanović izvolite.

**Vijećnik Adis Abudrahmanović:** Evo pošto sam prvi put za govornicom na današnjoj sjednici sve vas srdačno selamim i pozdravljam i želim nam brz i efikasan rad. Što se tiče tačke Dnevnog reda, nakon konsultacija sa koalicionim partnerima ispred koalicionog bloka predložit ću dva člana

Upravnog odbora JU Dom zdravlja Maglaj na kraći period a to su ispred zaposlenika doktorica Emina Ramić, i ispred osnivača Enes Hasanić. Naravno uz zaključak koji je Emina pročitala. Hvala.

**Predsjedavajuća Aida Bašić:** Hvala Adise. Da li se još neko javlja za riječ? Dobro, evo da vidimo da li ima više diskutanata, ukoliko nema zahtjev Kluba SDP-a je da uzmu pauzu, pa izvolite.

Nastavljamo dalje, tačka 6. Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj. Rasprava je otvorena, da li Klub SDP-a ima potrebu da se obrati. Vijećnik Almin Smailović, izvolite.

**Vijećnik Almin Smailović:** Ja bih pozdravio sve prisutne. Obzirom, da znamo obrazloženje situacije u Domu zdravlja, da Upravni odbor ne može funkcionisati na ovaj način jer ima jednog člana, smatramo da smo trebali ranije biti upoznati sa prvenstveno ovom urgencijom od strane direktorice JU Dom zdravlja Maglaj. Čini nam se nekako neozbiljno da se to ad hoc donese na sjednicu, pa da se o tome raspravlja. Mi nismo u stanju u ovakvoj hitnosti predložiti određena imena, tako da ćemo mi biti suzdržani po ovoj tački Dnevnog reda, tako da eto.

**Predsjedavajuća Aida Bašić:** Hvala gospodine Smailović. Da li se još neko javlja za riječ, ukoliko nema više diskutanata? Zatvaram raspravu, te tačku 6. stavljam na glasanje, ko je za?

Ustvari, izvinite, pardon, imali smo prijedlog za članove prije nego što glasamo, znači, Rješenje o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj imenuje se dva člana Upravnog odbora na kraći period, do okončanja procedure izbora i imenovanje a najduže do 3 mjeseca. U sastavu prijedlog je bio ispred osnivača Enes Hasanić, i član ispred stručnih radnika zdravstvene ustanove Emina Ramić. Da li hoćete da glasamo ovako u kompletu, odmah za Rješenje i za predložene članove ili ćete prvo da glasamo za članove koji su dati kao prijedlog. Potpuno je svejedno. Uz zaključak koji je Emina pročitala. Jedan je prijedlog, mislim da je ovako uredu da glasamo odmah za rješenje i da kažemo sa predloženim članovima Enes Hasanić ispred osnivača, Emina Ramić ispred stručnih radnika zdravstvene ustanove. Ukoliko želite ja bih još jednom čisto da uđe u zapisnik da Emina pročita prijedlog zaključka.

**Emina Hasanić:** Nakon što imenovani kandidati prime Rješenje o imenovanju dva člana Upravnog odbora JU Dom zdravlja Maglaj, dužni su u roku od 5 dana od prijema Općinskom vijeću Maglaj dostaviti svu neophodnu dokumentaciju kojom se dokazuju ispunjeni uslovi na upražnjene pozicije u reguliranim tijelima Općine Maglaj.

**Predsjedavajuća Aida Bašić:** Hvala Emina, evo sada u kompletu stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

**Glasalo protiv:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Uzdržanih:** Nema.

Konstatujem da je tačka 6. dobila potrebnu većinu.

## ZAKLJUČAK

6.1. Donosi se Rješenje o imenovanju dva člana Upravnog odbora JU „Dom zdravlja“ Maglaj na kraći period u sastavu Enes Hasanić i Emina Ramić;

6.2. Nakon što imenovani kandidati prime Rješenje o imenovanju dva člana Upravnog odbora JU „Dom zdravlja“ Maglaj na kraći period, dužni su u roku od pet dana od dana prijema Rješenja, Općinskom vijeću Maglaj dostaviti svu neophodnu dokumentaciju kojom se dokazuju ispunjeni uslovi na upražnjene pozicije u reguliranom organu Općine Maglaj.

## **AD 7. Periodični finansijski izvještaj Budžeta/Proračuna Općine Maglaj za period 01.01.-30.06.2024. godine**

**Predsjedavajuća Aida Bašić:** Prelazimo na tačku 7. Periodični finansijski izvještaj Budžeta/Proračuna Općine Maglaj za period 01.01.-30.06.2024. godine. Otvaram raspravu i pozivam Senadu da nam da uvodnu riječ vezano za materijal.

**Senada Alibajraktarević:** Selamim i pozdravljam sve prisutne. Pravni osnov za Periodični finansijski izvještaj Budžeta/Proračuna Općine Maglaj za period 01.01.-30.06.2024. godine, sadržan je u Zakonu o budžetima u FBiH i Pravilniku o izvještavanju i godišnjem obračunu u FBiH. Ono što je zakonska obaveza da se ovaj Periodični izvještaj dostavlja po proteku 20 dana, po proteku obračunskog perioda. Nemojte da vas buni da je ovaj Izvještaj tek danas na sjednici Vijeća, on je svu proceduru znači zakonsku proceduru ispoštovan i kantonalnom Ministarstvu finansija i Službi Općinskog vijeća je dostavljen do 20.07.2024. godine. Ovaj izvještaj za prvih 6 mjeseci sastoji se od seta od 9 obrazaca. Ja ne bih pojedinačno naglašavala obrasce. Vidjeli ste u materijalima kao i sve obrasce koji su popunjeni i dostavljeni, samo bih napomenula par kratkih napomena. Da je u ovom Izvještaju za period prvih 6 mjeseci registar doznaka iz tekuće budžetske rezerve izvršen u iznosu od 1.376,50 KM, ono što je najbitnije iskazani finansijski rezultat je tekući suficit u iznosu od 1.298.450,00 KM a ukupan suficit za ovaj period izvještavanja je 562.688,00 KM, stanje novčanih sredstava na dan 30.06.2024. godine iznosi 7.394.770,00 KM i u odnosu na stanje na dan 31.12.2023. godine manja je za 176.320,00 KM. Ono što bih još napomenula u obrascu broj 9. Imate Izvještaj o namjenskom utrošku sredstava, to je Izvještaj koji sadrži pregled namjenskog utroška transfera viših nivoa vlasti, doznačenih i potrošenih u ovom periodu izvještavanja. Za ovaj period, kao što ste mogli vidjeti u materijalu, Ukupan iznos doznačenih sredstava u Budžet Općine Maglaj sa viših nivoa vlasti iznosio je 3.993.361,00 KM a ukupan iznos potrošenih sredstava za ovaj period iznosio je 1.015.016,00 KM. Iznos neutrošenih sredstava svih viših nivoa vlasti u Budžetu Općine Maglaj na dan 30.06.2024. godine iznosi 2.978.345,00 KM. Ja bih toliko u ovom uvodnom izlaganju, ukoliko bude nekih pitanja konkretno po ovom Izvještaju stojim na raspolaganju.

**Predsjedavajuća Aida Bašić:** Hvala lijepo. Rasprava je otvorena, da li se neko javlja za diskusiju. Vijećnik Eldis Kusur, izvolite.

**Vijećnik Eldis Kusur:** Ja vas sve srdačno selamim i pozdravljam, pošto prvi put izlazim za govornicu na ovoj sjednici, želim vam svima danas uspješan rad jest da smo mnogi radili do pola 4-4 tako da nadam se da ćemo biti efikasni i brzi i da ćemo ovu sjednicu ako Bog da brzo privesti kraju. Klub vijećnika SDA razmatrao je predmetni materijal za ovu tačku Dnevnog reda. Smatramo da utrošak sredstava po ovom Budžetu je realiziran do 30.06. nekih u prosjeku 30 % i smatramo da je kreiran Budžet koji je kreiran za 2024. godinu, loše kreiran. Vidljivo je u ovom materijalu za ovih prvih 6 mjeseci da to pretpostavljamo svjesno su se sredstva čuvala za drugu polovinu ove 2024. godine u kojoj smo imali izbore u 10 mjesecu, tako da vidjet ćemo u narednom kvartalu, to jeste u narednom polugodištu kako su se sredstva trošila iz Budžeta u raznorazne svrhe a naime svi znamo da je ova godina, to jeste 2024 godina bila intenzivna godina u trošenju sredstava iz Budžeta po terenu, asfaltiranje itd, da ne spominjem. Tako da Klub SDA danas neće prihvatiti ovaj Izvještaj sa 30.06.2024. godine, jer smatramo da su novčana sredstva to jeste budžetska sredstva u ovoj godini bila većinom podređena za izbornu kampanju koju smo imali u desetom mjesecu.

**Predsjedavajuća Aida Bašić:** Hvala gospodine Kusur. Vijećnik Senad Šehić replika izvolite.

**Vijećnik Senad Šehić (replika):** Sve vas srdačno pozdravljam, Klub SDP-a naravno da će podržati ovaj Izvještaj, bez obzira na dinamiku o kojoj je govorio kolega Kusur, evo za početak možemo istaknuti jednu činjenicu da se radi o historijskom maksimumu Budžeta, dakle svi smo upoznati o kojem se iznosu radi za 2024. godinu, pa evo koja god dinamika bila trošenja evo neka Budžet za 2025. godinu bude barem približan ovom koji smo imali za 2024. godinu.

**Predsjedavajuća Aida Bašić:** Hvala, vijećnik Arif izvolite.

**Vijećnik Arif Mujkanović:** Javit ću se i osvrnut ću se na jednu stavku izlaganja i jednu rečenicu, odnosno riječ namjenska sredstva. Postavljam Senki pitanje da li se i zašto služe namjenska sredstva i da li se mogu trošiti mimo namjene i da li je bilo takvih slučajeva. Odmah nam recite, također upitat ću i predsjedavajuću koja je bila isto dio te većine u tadašnjem periodu. Gospoda Hadžić, mislim da li je bilo nenamjenskog trošenja sredstava i ako je bilo dajte molim vas recite i odmah reagujte na način oko toga i ako treba da neko i odgovara za nenamjensko trošenje sredstava.

**Predsjedavajuća Aida Bašić:** Hvala Arif.

**Vijećnik Arif Mujkanović:** Izbori budu i bit će i bilo je izbora. Svako radi na taj način, da li je samo bilo nenamjenskog trošenja sredstava.

**Predsjedavajuća Aida Bašić:** Hvala lijepo. Vijećnik Kusur replika, izvolite.

**Vijećnik Eldis Kusur (replika):** Samo mala replika kolegi Arifu. Sredstva namjenska mi znamo, bila su i u 2023. godini i u 2024. godini i nismo djeca svi smo odrasle osobe. Vijećnici smo i osobe koje obnašamo određene funkcije u ovom gradu po raznoraznim osnovama a namjenska sredstva su doznačena, svakako vi znate kako se radi sa tenderima. Malo se razvuče tender da bi se uvukao neki drugi dio a ja nisam rekao o nenamjenskim sredstvima, samo sam kazao sredstva nisu trošena u prvoj polovini godine 2024. godine, tako da svi znamo da se ta sredstva čuvala za predizbornu kampanju i šta je sada tu sporno, nije ništa sporno.

**Predsjedavajuća Aida Bašić:** Hvala Eldise, replika Arif izvolite.

**Vijećnik Arif Mujkanović (replika):** Razumijemo se baš ja i Eldis, nije to uopšte sporno, međutim dobro ste i rekli tenderi. Ako se neko žali, hvala Bogu da se mora odgoditi taj period dok se... jer ako se ne postupi po žalbi dragi moji, šta da radimo onda se opet krši zakon. Tenderi su takvi nažalost.

**Predsjedavajuća Aida Bašić:** Da li ima još vijećnika za diskusiju, vijećnik Almin izvolite.

**Vijećnik Almin Smailović:** Sve ove opaske iznesene vezano za Budžet, ja se nadam da će nova većina, Novi načelnik, neće imati ovakvih opaski jer očigledno se želi okrenuti loptica u pogrešnom smjeru. Znači, prvi dio godine je takav kakav je kišovit i malo su drugačije temperature, drugi dio godine pogoduje radu na terenu. Tako da kažem želite u budućnosti neki transparentan rad da vidimo to nešto što ćete ponuditi, što se obećali građanima. Svakako mi ćemo pratiti kako će se odvijati stvari, da vidimo te anomalije, hoće li se kod vas dešavati u smislu eto tih neki sredstava predizborna kampanja, izborni radovi itd. Ja to ne vidim tako, ja to vidim samo kroz način da se ulažu sredstva u određenoj mjeri koliko ima Budžet u tom periodu. Što se tiče viših nivoa vlasti vidjet ćemo kako ćemo povlačiti sredstva sa viših nivoa vlasti. Ovo što je urađeno u ovoj godini, sada pri kraju ja mislim da je to jedan dobar posao i označit će možda jednu prekretnicu, ja bih volio da bude tako, da u nekoj narednoj godini bude Budžet 14-15 miliona itd. Tako da onaj veoma je dobra domaća zadaća rekao bih u smislu ove visine Budžeta, tako da pratit ćemo situaciju i ova opaska predizborna godina. Sljedeća godina nije predizborna, pa će onda opet sljedeća biti predizborna i sve tako. Ja smatram da smo radili u svakoj godini, pogotovo na terenima ruralno područje odakle ja dolazim svake godine smo uradili 2-3 projekta i radilo se sistemski i onako kako treba da se radi. Kada je izborna godina, možda se malo radi više tako je na svim nivoima vlasti i to je to.

**Predsjedavajuća Aida Bašić:** Hvala lijepo. Da li ima još diskutantata? Ukoliko nema, pozivam Senadu da odgovori vijećniku Arifu na pitanje.

**Senada Alibajraktarević:** Ne znam ja stvarno nisam čula da je iko spomenuo nenamjenski utrošak tih namjenskih sredstava ali evo ja ću potvrditi. Znači, za ovaj period izvještavanja nije bilo nenamjenskog utroška namjenskih sredstava. Sva namjenska sredstva koja su dostavljena sa

viših nivoa vlasti utrošena su tačno kako sam rekla u iznosu kojeg za tačno predviđenu namjenu i vidjeli ste u obrazloženju i kod obrasca 9 analitički su navedena marka namjenskih sredstava koja su došla od 01.01.-30.06. i koliko su utrošena u tom periodu i koliki je ostatak znači namjenskih sredstava na dan 30.06.2024. godine.

**Predsjedavajuća Aida Bašić:** Senada, samo ću vas zamoliti dok ste tu da nam kažete Periodični finansijski izvještaj se prima k znanju ili se usvaja.

**Senada Alibajraktarević:** Vidite to je polemika koja se vodi godinama jeste što se tiče Zakona o budžetima. Zakon o budžetima u FBiH kaže Periodični finansijski izvještaje općinske i gradske službe za finansije dužne su dostaviti Periodični izvještaj Općinskom/Gradskom vijeću i kantonalnim ministarstvima u roku od 20 dana po isteku obračunskog perioda a za period od 01.01.-31.12. do 05.marta tekuće godine. Znači, oni ne govore ništa o dostavljanju, odnosno usvajanju a kod naše Odluke o izvršavanju Budžeta Općine Maglaj koja je usvojena za 2024. godinu bila je polemika i tada i u članu 55.napisano je Periodični finansijski izvještaj o izvršenju Budžeta bit će dostavljen Općinskom vijeću na usvajanje u rokovima i po postupku utvrđenim u Zakonu o budžetima.

**Predsjedavajuća Aida Bašić:** Ako sam dobro shvatila, Vijeće usvaja.

**Senada Alibajraktarević:** Po ovome što piše usvaja.

**Predsjedavajuća Aida Bašić:** Hvala lijepo. Arif, izvolite nisam zaključila raspravu

**Vijećnik Arif Mujkanović:** Upravo tako i hvala Vam na odgovoru ja sam tako i razumio. Nego sam samo htio da kažete mene je interesovalo da li je bilo nenamjenskog trošenja. Pošto je jednom u nekom tekstu se moglo pogrešno protumačiti. Znam da Eldisu to nije bila namjera, međutim spomenuti su grantovi nenamjenska sredstva. Mene je interesovalo samo to i ništa više. Vama hvala u svakom slučaju, zadovoljan sam s odgovorom.

**Predsjedavajuća Aida Bašić:** Hvala Arif, ukoliko se više niko ne javlja za riječ, zatvaram raspravu i Periodični finansijski izvještaj Budžeta/Proračuna Općine Maglaj za period 01.01.-30.06.2024. godine stavljam na glasanje, ko je za?

**Glasalo za:** : Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Konstatujem da tačka 7.nije dobila potrebnu većinu.

## ZAKLJUČAK

7.1.Ne usvaja se Periodični finansijski izvještaj Budžeta/Proračuna Općine Maglaj za period 01.01.-30.06.2024. godine.

### Ad 8. Izvještaj o izvršenju tekuće budžetske rezerve od 01.01.-30.06.2024. godine

**Predsjedavajuća Aida Bašić:** Prelazimo na tačku 8 a to je Izvještaj o izvršenju tekuće budžetske rezerve od 01.01.30.06.2024. godine, otvaram raspravu. Da li je potreban uvodničar? Nije, ako nije zatvaram raspravu i tačku 8. stavljam na glasanje. Ko je za?

**Glasalo za:** : Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Konstatujem da tačka 8.nije dobila potrebnu većinu.

## ZAKLJUČAK

8.1.Ne usvaja se Izvještaj o izvršenju tekuće budžetske rezerve od 01.01.-30.06.2024. godine.

### **AD 9. Izvještaj o izvršenju Budžeta/Proračuna Općine Maglaj za period 01.01.-30.06.2024. godine**

**Predsjedavajuća Aida Bašić:** Prelazimo na tačku 9. to je Izvještaj o izvršenju Budžeta/Proračuna Općine Maglaj za period 01.01.-30.06.2024. godine. Otvaram raspravu, da li vam je potreban uvodničar? Želite li? Ne želite. Da li se neko javlja za diskusiju? Ukoliko se niko ne javlja za diskusiju, zatvaram raspravu i tačku 9. stavljam na glasanje, ko je za?

**Glasalo za:** : Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Konstatujem da tačka 9.nije dobila potrebnu većinu.

## ZAKLJUČAK

9.1. Ne usvaja se Izvještaj o izvršenju Budžeta/Proračuna Općine Maglaj za period 01.01.-30.06.2024. godine.

### **AD 10.Periodični finansijski izvještaj Budžeta/Proračuna Općine Maglaj za period 01.01.-30.09.2024. godine**

**Predsjedavajuća Aida Bašić:** Prelazimo na tačku 10 a to je Periodični finansijski izvještaj Budžeta/Proračuna Općine Maglaj za period 01.01.-30.09.2024. godine. Otvaram raspravu, da li je potreban uvodničar? Da li se neko javlja za diskusiju? Vijećnik Adis Abdurahmanović, izvolite.

**Vijećnik Adis Abdurahmanović:** Pošto je kolega Eldis ispred Kluba vijećnika SDA iznio izlaganje za tačku 7. A tiče se Izvještaja do 30.06.ja ću po ovoj tački samo da potkrijepim ono što je kolega Eldis iznio na tački 7. Znači, iz ovog dokumenta nam je vidljivo da su sredstva upravo čuvana za predizbornu kampanju. Pa ću vam pročitati par stvari. recimo sredstva u iznosu od 900.000,00 KM to su sredstva od Ministarstva prostornog uređenja, prometa i komunikacija i zaštita okoline ZDK a odnose se na sanaciju i rekonstrukciju ulice Srebreničkih žrtva rata prema Ugovoru 12/23115034/23 od datuma 25.07.2023. godine. U prvih 6 mjeseci nam kažu realizacija ovih sredstava se očekuje u narednom periodu da bi u tom periodu od 3 mjeseca utrošena u cjelosti. Dalje, sredstva u iznosu od 250.000,00 KM također sredstva iz Ministarstva prostornog uređenja, prometa i komunikacija i zaštite okoline ZDK, također po Rješenju od datum

25.07.2023. godine u prvih 6 mjeseci realizacija se očekuje u narednom periodu. Od 30.06. do 30.09. sredstva utrošena 226.375,00 KM. sredstva u iznosu od 30.000,00 KM to su sredstva također od Vlade ZDK, doznačena za realizaciju kapitalnih projekata drugih nivoa vlasti iz oblasti infrastrukture ZDK za 2023. godinu, od datuma 10.08.2023. godine, a odnose se na izgradnju vodovoda Domislica. U prvih 6 mjeseci realizacija ovih sredstava očekuje se u narednom periodu da bi za naredna 3 mjeseca do 30.09. bila u potpunosti realizovana. Sredstva u iznosu od 61.162,00 KM, sredstva Ministarstva za prostorno uređenje, promet i komunikacije ZDK doznačena za zaštitu okoline. Ista stvar realizacija u prvih 6 mjeseci očekuje se u narednom periodu, da bi do 30.09. bila utrošena u potpunosti. Ovi sitnije da tako kažem neću ni navoditi, samo ove veće stvari. Hvala.

**Predsjedavajuća Aida Bašić:** Hvala vijećniku Adisu, vijećnik Firuz izvolite, pa vijećnik Kusr.

**Vijećnik Firuz Galijašević:** Eh pa moram se zahvaliti kolegi Adisu Abdurahmanoviću kako je lijepo nabrojao šta je sve bivši načelnik uspio dobiti sredstava sa viših nivoa. Nadam se da će i ova trenutna vlast uspjeti bar dio tih sredstava dovući. Što se tiče perioda utroška sredstava, volio bih pitati predstavnike službe koji je razlog da su tenderi odgađani i onaj iz prošle godine iz 2023. godine i ovi iz 2024. godine. Da li su bili odgađani zbog žalbi, namjernih žalbi da bi se odgodili radovi pa čak i poslije izbora. Mnogi radovi su trebali biti izvedeni još i prošle godine ali žalbe. Uloži se žalba, ne plati se ni taksa i odgode se radovi. Hvala.

**Predsjedavajuća Aida Bašić:** Hvala lijepo. Replika vijećnik Adis Abdurahmanović.

**Vijećnik Adis Abdurahmanović (replika):** Ja se također srdačno zahvaljujem kolegi Firuzu Galijaševiću jer je svojevremeno za ovom istom govornicom bivši Općinski načelnik optužio SDA Maglaj da uskraćuje preko kantona gdje imamo vlast sredstva koja treba da dođu u Maglaj. Evo ovo je dokaz da SDA Maglaj to nije radila. Hvala.

**Predsjedavajuća Aida Bašić:** Hvala, replika Firuz.

**Vijećnik Firuz Galijašević (replika):** Moram jednu repliku malu, zanima me iz kojeg perioda su ta sredstva iz ZDK, mislim da su ta sredstva iz perioda kada je SDP bio na vlasti u ZDK i tada su doznačena sredstva. Zbog žalbi na tendere koje su ulagali neki privrednici odgođeni su radovi i tako je ispalo utrošak sredstava do devetog mjeseca.

**Predsjedavajuća Aida Bašić:** Vijećnik Eldis Kusr se javio za riječ.

**Vijećnik Eldis Kusr:** Kako kažu sve s bismilom treba krenuti, ovako ja bih se malo nadovezao na raniju diskusiju svoju koju sam izlagao po prethodnoj tački Dnevnog reda a i kolega Adis je spomenuo ovih 30.000,00 KM od Vlade ZDK za razvoj infrastrukture Mjesnog vodovoda Domislica u koju sam direktno uključen i nažalost morat ću iznijeti jedno 3-4 konstatacije. Prvo i radi javnosti jer se ovo sve snima, a drugo što ne bi se i pohvalio neko ko ne pripada SDA. Ovdje piše 10.08.2023. godine da je Odluka donesena na Vladi ZDK. Za realizaciju ove Odluke mi smo dobili sredstva ne zahvaljujući bivšem načelniku Mirsadu Mahmutagiću nego smo ih naprotiv dobili zahvaljujući Mariću koji je bio ministar tada u to vrijeme i zahvaljujući Jasminku Kapiću, koji je direktno urgirao i mom kolegi Kemal Efendiću koji su direktno urgirali za ovaj projekat kod ministra Marića i Vlada ZDK je odobrila ova sredstva. Ova sredstva su neto ovi iz finansija znaju kada znači Odluka od 10.08. znači sigurno su uplaćena u 2023. godini. Ta bi tada nastala borba sa realizacijom ovog projekta. Mi smo se stalno borili i bilo je interesantno ja sam predsjednik Mjesnog vodovoda Domislica, preuzeo sam ga 2022. godine zajedno sa ljudima koji pripadaju svim stranakama. Ljudi vode vodovod koji su i nestranački, ljudi nisu politički, mi smo hvala Bogu uspjeli donekle riješiti ovaj problem sa vodosnabdjevanjem i od 2022. godine imamo vodosnabdjevanje naseljeno mjesto Domislica bez problema. Znači, nismo imali ljetos redukcije, tako da smo mi to donekle uspjeli riješiti. Ima radova tu još ali idemo dalje. Na svakakve načine smo pokušavali da otkočimo ovih 30.000,00 KM. Bio sam direktno kod načelnika, obećao je međutim nije nam otkočio ta sredstva. Da bi na zamolbu evo kolege koji sjedi ovdje u Vijeću, ja ću to spomenuti da je sve transparentno, da javnost zna Almin Šmailović se ponudio kao predsjednik MZ Čobe da s momcima koji su u SDP-u, dođe zajedno do načelnika i da se ta sredstva otkoče.

Evo kolega je tu, ako ja nešto lažem ovdje i ta sredstva interesantno otkočena su. Nekad u šestom mjesecu 2024. godine počelo je sa realizacijom ovog projekta. Nažalost, ovdje piše da su ta sredstva utrošena međutim, nažalost jesu ona utrošena ali projekat nije gotov. Ovaj tirolski prag i sabirne kapitaže koje su urađene za ovih 30.000,00 KM nije projekat pušten u funkciju. Izvođač radova nažalost neću da sada spominjem firme ovdje nije uradio svoj posao dobro i ti radovi su obustavljeni. Mi još nismo počeli koristiti plodove ovog projekta, ovih 30.000,00 KM. Tako da jednostavno ima manjakavosti, treba ih otkloniti ali treba raditi transparentno meni je žao što je ovdje spomenuto da su sredstva doznačena, to jeste potrošena a mi ih još nismo iz tog projekta, to jeste iz tih sabirnih kapitaža koji dolazi znači dolazi 150 litara u minuti u bazen. Mi još nismo vidjeli plodove toga, zato što je neko u ovoj garnituri propustio da radi svoj posao kako treba. Izvođač nadzorni ko je već tako da projekti koji se rade trebaju se raditi transparentno i evo ovim putem sam kazao da ne treba kočiti bilo ko da dolazi iz bilo koje političke partije a mi smo osjetili na svojoj koži da je opstruirano zbog toga zato što sam ja predsjednik Mjesnog vodovoda Domislica. Ja sam čak što više kazao evo neću više biti predsjednik dajte nam pare i dok nisu tako to uradili ali na zamolbu kolege otišli su kod načelnika i načelnik je pustio ta sredstva sa kojim on nema uopšte ništa nego samo da potpiše i da se raspiše javni tender.

**Predsjedavajuća Aida Bašić:** Hvala, vijećnik Samir Fetić se javio za riječ.

**Vijećnik Samir Fetić:** Da vas pozdravim i poselamim, sve je ovo što smo pričali i vidjet ćemo u narednom periodu kako će ići, kako će se raditi. Ne možemo nikog otpuživati da li je radio ili ne radio. Tenderi to je 100 % bilo kočenje tendera. Znam za MZ Misurići da je još vodovod treba da se uradi, da ta sredstva imaju. Moramo obezbjediti put u Koreju, to nam je sada ljudi, evo ja sam s načelnikom govorio sada za ovim govornicom kažem ljudi će ostati bez puta. Ta sredstva imaju u Civilnoj zaštiti tamo i taj put se mora uraditi. Mi nemamo alternativnog puta za Koreju i moramo taj put da napravimo da se može doći do klizišta i da neko ne pogine tu. Šo se tiče naše MZ Misurići, ona je za osam godina procvjetala. Mi smo bili crni vilajet, mi nismo imali ni rasvjete, puteva, vode, kanalizacije. Strašno je bilo. Hoću reći još da je sastav naše mjesne zajednice rukovodstva da je među najboljim u gradu. Najbolje funkcionišemo, sastajemo se skoro svakog drugog mjeseca i ne može načelnik dati ljudima iz mjesne zajednice ako nije napravio projekat. Ako nisi prema višim nivoima slao projekte, ja vas molim mi očekujemo naša mjesna zajednica da se nastavi rad u narednom periodu. Hvala vam.

**Predsjedavajuća Aida Bašić:** Hvala. Vijećnik Senad Šehić, izvolite, nakon toga Almin Smailović.

**Vijećnik Senad Šehić:** Dakle evo cijelo vrijeme razgovaramo o tome na koji način su se trošila namjenska sredstva sa kojih nivoa su dolazila itd. Dakle, činjenica je da da ono što sam maloprije rekao da je Budžet za 2024. godinu bio najveći u historiji Općine Maglaj, iznosio je oko 13.500.000,00 KM i čini mi se da je bio veći za oko 4,5 miliona u odnosu na 2023. godinu. Naravno da je evo mogu samo reći bivši načelnik Mirsad Mahmutagić iskoristio na kraju krajeva po vertikali vlast SDP-a i da je taj protok namjenskih sredstava znatno lakše išao, dakle počevši od federalnog nivoa pa sve do kantonalnog doduše za ono neko kratko vrijeme koliko je SDP bio vlast u kantonu. Ja se iskreno nadam da će novi načelnik gospodin Maid Suljaković i ne sumnjam uopšte imati podršku kantonalne vlade isto tako želim iskreno i nadam se i na kraju krajeva stavljam i samog sebe na raspolaganje da podrška ne izostane sa federalnih nivoa vlasti u ovom narednom periodu. Dakle, svima nam je u interesu dalji razvoj općine Maglaj i još jednom ponavljam iskreno nadam se da će ta podrška sa viših nivoa biti nastavljena i u narednom periodu. Hvala.

**Predsjedavajuća Aida Bašić:** Hvala Senade, Almin Smailović vijećnik

**Vijećnik Almin Smailović:** Obzirom da sam spomenut u nekom rekao bih ovako negativnom kontekstu u smislu tih nekih stranačkih stvari pa da kažem istinu. Ta sredstva blokirana za vodovod Domislica mene to uistinu nije zanimalo jer to radi vodovod, međutim meni kolega koji radi sa mnom Kusur Zikret, koji nije član naše stranke, stranke iz koje ja dolazim SDP-a me zamolio mogu li na bilo koji način da pomognem da se ta sredstva odblokiraju kako bi se realizovao taj projekat koji je zaista trebao toj Domislici. Drugi čovjek koji je došao sa mnom do načelnika je bio Bramče tzv. iz Domislice koji nije član također niti jedne stranke partije a ovo



sada imputirati meni da sam ja dovodio neke stranačke ljude, članove SDP-a da se odblokira proces mislim da nije uredu. Druga stvar, ne vidim ništa loše ako sam na bilo koji način pomogao da se ta sredstva odblokiraju jer ona su zaista bila namjenjena građanima Domislice i namjenski za vodovod i ona su i utrošena u tom dijelu meni je drago a sada ovako ove sitnije stvari koje se odnose na neke stranačke teze to ne stoji. Također, relacija između Mustafe Bešića bivšeg vijećnika, Mahmutagića i svih drugih koji su akteri tog vodovoda ne bih ulazio u to zaista. To su stvari Domislice ali sam zadovoljan ako sam i u kom slučaju u bilo kakvom procentu pomogao da se ta sredstva implementiraju u vodovod Domislica, meni je drago. Hvala.

**Predsjedavajuća Aida Bašić:** Hvala, replika Kusur.

**Vijećnik Eldis Kusur (replika):** Pa ništa samo pošto je kolega Almin spomenuo imena ako nisu stranački možda sam i ja napravio upadnicu, ako nisu stranačke bile kolege koje su išle, ovo kao što si kazao tako je bilo. Tako da, to je to nema šta. Nisu stranački, išli su sa Alminom, pogurali taj projekat da se puste sredstva. Sredstva su puštana, projekat nije završen, nije pušten u funkciju. Nažalost i to je to.

**Predsjedavajuća Aida Bašić:** Hvala Eldise, vijećnik Arif se javio za riječ.

**Vijećnik Arif Mujkanović:** Htio sam upravo kolega Šeha je najbolje rekao i moje je izlaganje htjelo da krene tim tokom da prestanemo više zaista da se ponašamo, da optužujemo. Nažalost kratak period je taj svi smo imali koristi i od onog perioda kada je bivši načelnik bio u organima koji su odlučivali o sudbini i sredstvima koja su dodjeljivana Općinama. Nadam se da ćemo imati mudrosti da iskoristimo vertikalnu vlasti koja postoji da pomognemo ovoj sada granituri, ovom načelniku da iskoristi sve za dobrobit našeg Maglaja a ovo ko je šta uradio mislim to je stvarno sitno i djeluje malo djetinjstvo na način šta je starije kokoš ili jaje. Onda nemojte zaista otići ćemo daleko pa ćemo, svi smo mi znali gdje se šta radilo, ko je šta radio i ko šta radi. Nemojte to, počnite se baviti konkretnim stvarima i hajmo da idemo jedan korak naprijed. Svjesni smo da se uradilo mnogo međutim neko je tempirao možda pred izbore a neko je kočio pred izbore. Ko je mogao više tada u tom momentu uraditi morate shvatiti da je to tako i mi smo shvatili.

**Predsjedavajuća Aida Bašić:** Hvala lijepo. Da li ima više diskutacija? Ako se dobro sjećam Firuze pitali ste čini mi se Senadu, da li želite da vam odgovori. Senada izvolite.

**Senada Alibajraktarević:** Ako ćete iskreno ne znam šta je pitanje, al iskreno, znači, mislim da smo dobro otišli od teme. Ovdje je tačka Dnevnog reda Periodični finansijski izvještaj, ja sam vam rekla u obrascu broj 9. imate utrošak namjenskih sredstava sa viših nivoa vlasti za ovaj period. U obrascu 9 imali ste iznos od 6.583.168,00 KM sredstava koja su došla u Budžet i potrošena su za ovaj period 2.86.176,00 KM. Ostalo je znači za prijenos u naredni period za period od 01.10. pa nadalje 4.296.992,00 KM. Ja stvarno ne želim da ulazim u raspravu političku, stranka ova ili ona. Ja vas molim kod tendera ono što ste pitali za službu. Znači, služba ne dobija podatak o raspisanim tenderima ali ono što smo mi zapazili u službi je da postoje novčana sredstva koja su doznačena u Budžet Općine Maglaj a za koje uopšte nisu bili raspisani tenderi u vremenskom periodu od 1,2, ili 3 mjeseca. Isto tako, bili su potpisani ugovori o odobravanju novčanih sredstava u Budžet Općine Maglaj a mi smo trebali raspisati tendersku dokumentaciju i po situacijama bi bila doznačena novčana sredstva u Budžet. Desio se tako jedan dosta veliki ugovor potpisana u Općini Maglaj a uopšte nije došlo do realizacije ni po jednoj privremenoj situaciji. Ja bih vas zamolila općinske vijećnike bez obzira kojoj političkoj opciji pripadaju da ne raspravljamo o stvarima šta je bilo i šta će biti neko da radimo za dobrobit građana ove općine, da pokušamo Budžet povećati na što veći nivo i da se svi bez obzira na političku ili bilo kakvu individualnu saradnju sa bilo kojim višim nivoima vlasti ili bilo kojim pojedincem koji pripada višem nivou vlasti da obezbjedi ta novčana sredstva. Samim tim, bit ćemo zadovoljniji mi a i svi građani naše općine na ljepšem ambijentu i ljepšem življenju i molim vas da svaka namjenska sredstva koja su došla u Budžet Općine Maglaj, su utrošena za tu namjenu ili su prenesena za naredni period. Molila bih da svi zajedno radimo da što manje bude prenosa, nego da se u zadanim rokovima troše namjenska doznačena sredstva. Nadam se da ste odgovorom zadovoljni.

**Predsjedavajuća Aida Bašić:** Hvala Senada. Obzirom da nema više diskutantata zatvaramo raspravu, tačka 10. da vas podsjetim Periodični finansijski izvještaj Budžeta/Proračuna Općine Maglaj za period 01.01.-30.09.2024. godine stavljam na glasanje ko je za?

**Glasalo za:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Adis Abdurahmanović, Eldin Pešrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Konstatujem da tačka 10. nije dobila potrebnu većinu

## ZAKLJUČAK

10.1. Ne usvaja se Periodični finansijski izvještaj Budžeta/Proračuna Općine Maglaj za period 01.01.-30.09.2024. godine.

### AD 11. Izvještaj o implementaciji „Strategije razvoja općine Maglaj 2021-2027. godine“ – Izvještaj o razvoju za 2023. godinu

**Predsjedavajuća Aida Bašić:** Prelazimo na tačku 11. Izvještaj o implementaciji „Strategije razvoja općine Maglaj 2021-2027. godine“ – Izvještaj o razvoju za 2023. godinu. Gospodin Nermin Bešliagić je sa nama. Da li vam je potrebna uvodna riječ? Da, Nermine, izvolite.

**Nermin Bešliagić:** Pozdravljam sve prisutne, čestitam vam na izboru za općinske vijećnike i svakako vam želim puno sreće u radu i da bude što konstruktivniji i sa što manje politikanstva a sa što više konstruktivnih ideja, prijedloga i mjera koje će doprinjeti sveukupnom boljitku u Maglaju. Što se tiče ovog Izvještaja o razvoju, radi se o dokumentu koji je otprilike obaveza proistekla iz Zakona o razvojnom planiranju FBiH koji proisuje između ostalog pored trogodišnjeg plana, godišnjeg plana, izvještaja o radu, propisuje i ovaj Izvještaj o razvoju koji se donosi do 30.09. zakonski svake godine za prethodnu godinu. Radi se o jednoj informaciji, opštoj informaciji koja otprilike treba da pokaže trendove u pravcu razvoja opštine Maglaj u smislu svih sfera života i vidite ovdje u samom dokumentu da imate informaciju i podatke nekog prociranog stanja, željenog stanja i otprilike nekakve pokazatelje svih trendova po oblastima na području općine Maglaj i svakako komparativno poređenje sa drugim opštinama ZE-DO kantona i FBiH. Što se tiče svih tih efekata rezultata ovdje imate finansijski dio gdje se vidi realizacija tih sredstava u smislu hajmo reći razvojnih aktivnosti i postignuća ostvarenih količina tih nekih efekata realizacije tih mjera i imamo znači otprilike obrazloženje svih tih na koji način se donose određeni zaključci o svemu tome u smislu kako se izračunava indeks razvijenosti i druge stvari. Tako da otprilike nema se nešto specijalno reći više od ovoga što već imate pred sobom, što ste imali priliku da pročitate i s te strane radi se o dokumentu koji ima karakter informacije, tako da ne usvaja ga Općinsko vijeće nego ga prima k znanju i otprilike sa određenim zaključcima, preporukama šta se može u budućem periodu popravljati u smislu lokalnog razvoja. Toliko sada, tu ću biti ako ima pitanja.

**Predsjedavajuća Aida Bašić:** Hvala Nermine. Otvaram raspravu, javlja li se neko za diskusiju? Na zahtjev Kluba SDA pauza. Nastavljamo dalje. Adise, da li želite iznijeti neki stav? Nema. Pošto je rasprava još uvijek otvorena da li ima više diskutantata? Vijećnik Nesib Serhatlić izvolite.

**Vijećnik Nesib Serhatlić:** Poštovana predsjedavajuća, poštovani načelnice, cijenjeni i poštovani vijećnici, članovi stručnih službi i gosti sve vas srdačno selamim i pozdravljam. Ova materija, odnosno svaka strategija zaslužuje da se o njoj kaže nekoliko riječi. To je dokument koji nama daje pravac i smjernice kako i kojim putem da idemo i na koji način da ostvarimo ono što smo zacrtali

kako bi nam svima bilo bolje. Ono što je bitno istaći ni jedna strategija se ne može donijeti da bude da kažem 100 %. Strategija je živa materija, koja trpi promjene a da je to tako evo ja ću vam navesti činjenice kada se donosila strategija 2021. godine, tada nisimo imali puno posla, bilo je radne snage, evo za 3-4 godine se situacija okrenula 100 %-naopako. Sad imamo jako puno posla, kvalitetnog posla koji može doprinjeti razvoju, rastu u zajednici, međutim mi nemamo radne snage. Ne može se u strategiji predvijeti taj problem evo sad taj problem je jako izražen ne sada nego da kažem unazad godinu- dvije dana. Ja vas sve pitam s ove govornice kako i na koji način da riješimo taj problem. Znače strategija je igra brojki i sve je to ok, međutim šta možemo mi uraditi mi kao vijećnici i društveno politička zajednica, odnosno Općina kako bi pomogli privrednicima da nam stvore promet, prihod, novu vrijednost i profit od kojeg ga svi živimo i primamo plate. To je ključno pitanje znači, šta možemo mi uraditi na koji način. Pojavljuju se puno agencija, puno firmi koje se otvaraju po Zenici, Sarajevu, po raznoraznim gradovima u Bosni koji nude radnu snagu iz uvoza. Ima tu dosta stvari koje, dosta firmi koje se lažo predstavljaju, koje nude sve i svašta i na neki način privrednici nisu zaštićeni, oni su prepušteni sami sebi, pogotovo sa aspekta izdavanja radnih dozvola, znači uvoza radne snage. Ja sam mišljenja da je bolje da razmislimo šta uraditi i kako doprinjeti da vratimo našu radnu snagu koja je 10 puta kvalitetnija od ove koja nam se nudi. Na koji način, šta možemo mi uraditi svi za vas. Ja vas pitam pa i sebe, šta možemo uraditi da vratimo te ljude, povećanjem plata, stvaranjem bolji uslovi za privređivanje. Stvaranjem bolji uvjeta rada radnicima koji rade u pojedinim firmama. To su ključne stvari na kojima svi moramo raditi u narednom periodu a strategija ko strategija znači, ona nama daje neke smjernice međutim mi moramo okrenuti se onome što imamo trenutno na stanju u ovoj 2024. godini pa i 2025. godini. Htio sam da potaknem na razmišljanje te stvari kako bi, bit će još tačaka poslije ove gdje ćemo se dotaći još nekih stvari vezano za privredu i privređivanje. Zahvaljujem.

**Predsjedavajuća Aida Bašić:** Hvala Nesibe. Da li se još neko javlja za diskusiju? Ukoliko nema diskutana, zatvaram raspravu te tačku 11. Izvještaj o implementaciji „Strategije razvoja općine Maglaj 2021-2027. godine“ – Izvještaj o razvoju za 2023. godinu stavljam na glasanje, ko je za? Tako je, ne usvajamo primamo k znanju. Ništa, konstatujem da tačku 11. Izvještaj o implementaciji „Strategije razvoja općine Maglaj 2021-2027. godine“ – Izvještaj o razvoju za 2023. godinu Vijeće prima k znanju.

## ZAKLJUČAK

11.1. Izvještaj o implementaciji „Strategije razvoja općine Maglaj 2021-2027. godine“ – Izvještaj o razvoju za 2023. godinu se prima k znanju.

**AD 12. a) Izvještaj o radu za 2023/24 godinu JU „Dječiji vrtić“ Maglaj sa finansijskim pokazateljima utroška sredstava iz Budžeta Općine Maglaj**  
**b) Program rada JU „Dječiji vrtić Maglaj za 2024/2025. godinu**

**Predsjedavajuća Aida Bašić:** Prelazimo na tačku 12. a to je a) Izvještaj o radu za 2023/24 godinu JU „Dječiji vrtić“ Maglaj sa finansijskim pokazateljima utroška sredstava iz Budžeta Općine Maglaj i b) Program rada JU „Dječiji vrtić Maglaj za 2024/2025. godinu. Otvaram raspravu, predstavnici javne ustanove su sa nama direktorica je tu, također ispred Upravnog odbora gospoda je tu. Pozivam Vas da date uvodnu riječ o samom materijalu.

**Kanita Bašić:** Poštovani načelnice, poštovana predsjedavajuća i dopredsjedavajuća, poštovane vijećnice i poštovani vijećnici, uvaženi predstavnici Općine i drugi prisutni želim srdačno da vas pozdravim. Želim ovim putem prije svega da vam čestitam na dobijemim mandátima i poželim vam sreću, transparentnost i zajedništvo u radu i donošenju važnih Odluka za našu lokalnu zajednicu.

Danas sam s vama po pitanju tačaka koje su se našle na Dnevnom redu, a tiče se Izvještaja o radu JU Dječiji vrtić Maglaj i godišnjeg Programa rada. Izvještaj o radu za školsku 2023/2024 godinu sa finansijskim pokazateljima za kalendarsku 2023. godinu podrazumjeva i utrošak sredstava iz Budžeta Općine Maglaj i vlastitih prihoda a i prihoda od ministarstva, sva sredstva su vam navedena u Izvještaju. Jasno su navedene i sve aktivnosti i programi koji su bili realizovani u periodu 2023/2024 školska godina te je u finansijskom izvještaju navedeno na šta su sve utrošena sredstva iz Budžeta i od vlastitih prihoda a i namjenska sredstva Ministarstva za obrazovanje, nauku, kulturu i sport koja dobijamo za realizaciju obaveznog predškolskog odgoja i obrazovanja za djecu pred polazak u školu. Što se tiče godišnjeg Programa rada za školsku 2024/2025 godinu moram da naglasim da je godišnji programa rada dobio potrebnu suglasnost od Pedagoškog zavoda Ministarstva za obrazovanje, nauku, kulturu i sport, što znači da je usklađen sa zakonom i da je urađen po Metodologiji za izradu godišnjeg programa rada predškolskih ustanova a to podrazumjeva optimalne uslove za rad, stručan kadar, rad u odgojno obrazovnim grupama, planove rada koji se odnose na godišnje i mjesečne planove rada, broj djece po standardima i normativima predškolskog odgoja i obrazovanja i slično. Godišnji program rada je jedan opširan, sadržajan dokument kao što ste mogli da vidite u kojem se nalazi sve ono što se provodi u jednoj školskoj godini. Za sada toliko stojim vam na raspolaganju za pitanja.

**Predsjedavajuća Aida Bašić:** Hvala direktorice, otvaram raspravu, da li se neko javlja za diskusiju. Vijećnik Eldin, izvolite. Diskutovati možete i pod a i pod b.

**Vijećnik Eldin Pehrat:** Sve vas srdačno selamim i pozdravljam. Vezano dakle za 12. tačku koja se odnosi na Izvještaj o radu JU Dječiji vrtić Maglaj za prethodnu i tekuću godinu. Dakle zbog niza anomalija i propusta u radu Klub vijećnika SDA neće podržati Izvještaj o radu ustanove za navedeni period. Navodim primjer da smo i u prethodnim godinama kada bi se Izvještaj ove ustanove našao na Dnevnom redu iznosili primjedbe na način upisa djece u ovu javnu ustanovu, odnosno nepostojanje Javnog poziva za upis što smatramo izuzetno važnim kada je u pitanju funkcionisanje javne ustanove. Generalno smatramo da rad svake javne ustanove treba biti transparentan i dostupan svim građanima pa tako naravno i rad ove javne ustanove. U prethodnom mandatu smo tražili da nam objasnite način na koji formirate listu čekanja. Čak ste nam u ranije periodu obećali dostaviti spiskove djece koja su u tom periodu na isti čekanja, čisto da vidimo na osnovu kojih se to kriterija kreira spisak ali nam isti nikada niste dostavili. Dakle, mi smo stava da svi trebaju da imaju jednaka prava, jednake uslove bez da se diskriminira bilo koji roditelj i bilo koje dijete. Da djeca sa svih krajeva naše općine imaju jednaka prava prilikom upisa u ovu javnu ustanovu. Ovom prilikom neću puno govoriti o enormnim izdvajanjima iz Budžeta Općine Maglaja gdje se i pored toga posluje u gubitku. Na osnovu svega navedenog s ciljem unaprijeđenja rada u ovoj javnoj ustanovi pozivamo menadžment i Upravni odbor javne ustanove da podnesu ostavke na pozicije koje obnašaju. Također iz gore navedenih razloga smatramo besmislenim razmatrati ponuđeni Program rada iz kojeg se ne vide mjere unaprijeđenja u radu ove javne ustanove. Hvala.

**Predsjedavajuća Aida Bašić:** Hvala, vijećnik Damir Bašić se javio za riječ. Izvolite Damire.

**Vijećnik Damir Bašić:** Poštovani vijećnici dobar dan, iako nisam imao stvarno potrebu da izađem da se obratim ali ovo je već drugi put kako sam ja u Vijeću, kako je došlo u pitanju ovaj Izvještaj javne ustanove Dječiji vrtić. Ne mogu ostati ravnodušan iako znam koliko menadžment vrtića radi, jer su mi i sama djeca tu išla u taj vrtić. Ne mogu ostati ravnodušan da svake godine apsolutno ista pitanja se postavljaju. Kako se djeca upisuju. Prošle godine recimo nije ove većine sastav u Općinskom vijeću no međutim kako se promijenilo naravno u većini koja je trenutno imate više djece koja su u JU Dječiji vrtić nego u opoziciji, tako da bih zamolio isto i vijećnike i djeda da izađu za govornicu i kažu kako su djecu upisali u vrtić. Mislim da je predsjedavajuća bezveze da se izlazi za govornicu i baca ljaga na bilo koju javnu ustanovu tako i Dječiji vrtić i da nije uredu na

taj način bilo čiji rad i trud ponižavati. Iskreno mi je žao što ovdje nikad evo ja sam od decembra u Vijeću nisam čuo niti jedan konkretan prijedlog kako da se nešto riješi. Uvijek su bile priče kako je u Sarajevu, kako je ovdje, kako je ondje. Pa molim vas evo konkretan prijedlog da neko da ili da krenete. Mislim da su mlađi vijećnici trenutno u većini pa možete dati konkretno neki prijedlog da se za početak uzme koliko djece ima od 1 do 6 godina na općini Maglaja pa da se na osnovu toga napravi kolike su potrebe naše općine Maglaj, koliko kapacitet dozvoljava u privatnim vrtićima i na koji način da se pomogne itd itd. O Budžetu o kojem pričate i o kojem pričate svake godine je besmisleno govoriti. Sami znate da taj vrtić ne može naplatiti više od 120,00 KM iako je najjeftiniji u cijeloj državi. Ne može naplatiti 150-160 dok to Vijeće ne izglasa. Sami znate u posljednje 2-3 godine koliki su nameti, šta je sve poskupilo i sa čim se susrećemo. Budžet ako ste pročitali dobro, Budžet bi trebao da puno veći kako bi cijena ostala 120,00 KM ili da se poveća cijena vrtića kako bi taj vrtić nebitno da li to bio menadžment ovaj peti ili deseti koji god da dođe susretat će se sa istim problemom. Mislim da sam bio jasan. Hvala.

**Predsjedavajuća Aida Bašić:** Hvala, obzirom da ste se meni lično obratili, ja Vam moram reći da profesionalnost u vođenju same sjednice Općinskog vijeća je u tome da svaka tačka ima isti redoslijed. Znači, uvodni dio, otvaranje diskusije i pravo svih vijećnika da diskutuju. Naravno ja ih i pozivam ovim putem da diskutuju sa argumentima. Tako da ja ne mogu reći nekome da ne izlazi i da ne diskutuje. Slažem se s vama u nekim dijelovima vašeg govora. Eldin replika izvolite.

**Vijećnik Eldin Pehrat (replika):** Dakle, ja sam u svom izlaganju spomenuo transparentnost u radu. Sjećam se dobro da smo na jednoj od sjednica u prošlom mandatu kada je u pitanju Izvještaj ove javne ustanove na Dnevnom redu isto postavili pitanje o načinu upisa djece u ovu javnu ustanovu. Direktorica je tada odgovorila da ona ima spisak u koji upisuje u svoj rokovnik ili svesku i na osnovu toga kada se ukaže prilika poziva se roditelj ili dijete na upis. Dakle, to nije transparentnost kako mi znamo ko je na kojem rednom broju itd.

**Predsjedavajuća Aida Bašić:** Hvala vijećnik Damir replika.

**Vijećnik Damir Bašić (replika):** Ja koliko se sjećam od prošle sjednice na kojoj ste isto Vi bili gospodin Salatović je postavio pitanje, kako je on čuo da se po gradu priča da imaju dva rokovnika u vrtiću. Ja sam evo, moram vas razočarati čuo da ima samo jedan rokovnik. Pričate o stvarima a pri tome niste pročitali niti Izvještaj ni po kojem zakonu se djeca upisuju u vrtić. Zakon ima koji je naveden po Ustavu BiH kako se djeca upisuju u vrtić. Molim vas da pročitate i vidjet ćete na osnovu čega se upisuju djeca u vrtić.

**Predsjedavajuća Aida Bašić:** Hvala, vijećnik Salatović izvolite.

**Vijećnik Edin Salatović:** Evo i ja ću pošto prvi put izlazim iskoristiti priliku da vas sve selamim i pozdravim, pa ću kolegi Damiru reći da ne govori isitnu. Nisu se spominjala dva rokovnika, ja ne znam da se spominjala. Uvijek se govorilo o jednom rokovniku. Taj rokovnik je jedan od najčuveniji mi smo govorili o djeci koja su plave krvi ako niste dobro slušali tada. Ono što isto tako niste rekli da smo mi prošli put nabrajali općine u kojima se upis djece vrši na drugi način. Sa strogo propisanim kriterijima gdje je to javno, transparentno, gdje imaju određene kategorije po kojima se dobija. Ako se dobro sjećate, a vjerujem kolega do Vas gospodin Fetić da je i on protiv toga bio, ako se dobro sjećate. Znači, ja vas pozivam ja znam da ste vi vezano za to i ja to zaista poštujem.

**Predsjedavajuća Aida Bašić:** Nemojte molim Vas na privatnoj osnovi argumentovati.

**Vijećnik Edin Salatović:** Nije, ne mislim ništa o tome, ja zaista poštujem to međutim ta priča se već godinama promalja ovdje. Kroz grad to o netransparentnosti upisa djece. Predlagali smo rješenja. Imaju u drugim općinama i nije se nikad našlo za shodno da se to unaprijedi. Hvala.

**Predsjedavajuća Aida Bašić:** Hvala lijepo. Abdurahmanović se javio za riječ, zatim Nesib.

**Vijećnik Adis Abdurahmanović:** Evo konkretno razne priče se pričaju po gradu ali ja ne bih o tome čula kazala uopće nego evo konkretno. Za direktoricu ili menadžemnt ili bilo koga iz vrtića.

Zašto kao u svim ostalim gradovima u okruženju nemamo Javni konkurs za upis djece? Tačno je kolega Damire da od 2006. godine čini mi se 120,00 KM je tamo cijena. Je li ikada došlo na Vijeće zahtjev ili nešto da se ona podigne. Slažemo se možda i mi da treba podići. Velika je razlika ali evo konkretno da ne pričamo čula-kazala. Priča se ovo, priča se ono i mislim da bi na ova pitanja trebao da odgovori neko iz Dječijeg vrtića. Zašto nema Javnog poziva i evo prijedlog da bude u budućnosti i prošli put smo predlagali i nije uopšte ovdje, spomenuli ste više djece ima iz pozicije. Jel to samo djeca od općinskih vijećnika treba da idu. Ne ne vi ste to spomenuli. Uopšte nije bitno. Konkrento pitanje da bezveze ne bježimo do teme, zašto nema i možemo li ubudućnosti očekivati da bude. Znači, transparentno i nemojte molim vas kolega da vi donosite zaključak da li mi čitamo materijal ili ne. Zaista čitamo i čitali smo i čitat ćemo a evo pored materijala koji smo dobili isto tako smo iščitali iz susjednih gradova konkurse za upis djece i vjerujte da je tako lijepo riješeno. Znači, po konkursu i izvolite. Hvala toliko.

**Predsjedavajuća Aida Bašić:** Hvala replika Damir izvolite.

**Vijećnik Damir Bašić (replika):** Ja bih samo da se sportski izvinem gospodinu Salatoviću ako sam pogriješio ali vjerujte mi da ću probati da nađem snimak od prošle sjednice kad ste rekli da jedan direktorica ima rokovnik za sebe a drugi za ljude koji dolaze ali u svakom slučaju izvinjavam se ako sam pogriješio.

**Predsjedavajuća Aida Bašić:** Hvala Damire, replika Salatović.

**Vijećnik Edin Salatović (replika):** Kolega Bašiću sve uredu ali ne treba nam mi imamo zapisnik sa te sjednice i možemo utvrditi šta je ko rekao, samo toliko.

**Predsjedavajuća Aida Bašić:** Hvala lijepo. Vijećnik Nesib Serhatlić izvolite.

**Vijećnik Nesib Serhatlić:** Evo ja moram odgovorit gospodinu Damiru nije me prozvao imenom i prezimenom nego je rekao onako djed, mislim da je to van svakog ukusa i finog ponašanja kulturnog tako obraćanje jednom vijećniku. Nisam se htio prijaviti za ovu tačku za diskusiju međutim ponukan svim diskusijama reći ću par riječi o ovom Izvještaju. Izvještaj je urađen metodološki tačno ali ja vas pitam mi ne živimo od metodologija. Mi moramo sagledati realno stanje u ovoj oblasti a ono je jako problematično i puno problema. Ovi problemi ne datiraju od jučer, od unazad 5-6 godina. Što tada niste to rješavali jel bilo teško proširiti, ima mjesta tamo iza. U Izvještaju stoji tačno da treba proširiti 50,100,200 kvadrata prostora da bi se moglo primiti još 50-60 djece jer lista čekanja je stvarno je, čekanje ne trpi odlaganje. Vi imate roditelja koji ako dvoje radi, nema ko čuvati djecu, jedno od supružnika je prisiljen da napusti posao, da ne ide na posao, jer nema gdje dječje, nema ko čuvati. To je objektivan problem i realan. Mi se možemo prepucavati ko je šta upisao preko koje veze itd ali to nije suština problema. Suština problema je da riješimo problem da ga nemamo u narednom periodu, da napravimo tako da svako dijete koje ima potrebu da ide u vrtić da ide u vrtić. Evo ja bih sada rekao i direktorici uvažavam je i cijenim i ovo što je napisano je na neki način tačno međutim, direktorice morate se ponašati menadžerski, morate biti menadžer, Vi rješavati te probleme, odnosno ukazivati na njih nama i nekima koji su nadležni da to rješavaju. Ne možemo čekati od Izvještaja do Izvještaja godinu-dvije dana pa da onda nešto poduzimamo. Znači, ima nešto što ne trpi odlaganje. Dajte se ponašajte menadžerski, ponašajte se tako da i sa onim sredstvima koja dobijete da na neki načina adekvatno utrošite i da pružite sve što treba za djecu. Smatram da je ovo ovdje u Izvještaju da su ta sredstva koja Općina donira, odnosno subvencira 120,00 KM jako mala i moraju se pod hitno povećati. Ta sredstva se moraju povećati ili eventualno pa onda ćemo ukinuti obdanište dat ćemo ga privatno ako ga ne možemo mi voditi, ako mi ne možemo na neki način to upravljati i da rješavamo probleme. Toliko, hvala.

**Predsjedavajuća Aida Bašić:** Hvala lijepo, replika Damir Bašić.

**Vijećnik Damir Bašić (replika):** Ja se i Vama izvinjavam ako sam vas povrijedio vidim da ste baš se povrijedili ali nije mi bila namjera, mislio sam da čisto da pomognete kolegama na koji način se

djeca upisuju. Vjerovatno će direktorica obrazložiti na koji način se upisuju djeca a isto tako ako ste dobro slušali ja sam dao jedna prijedlog da se napravi otprilike ne znam jedna grupa ljudi koja bi od 1 do 6 godina mogla na općini Maglaj da vidi koliko ima djece, koja je to potreba, koliki su kapaciteti i privatnih i gradskih vrtića, kako bi se moglo nastaviti i na kraju krajeva proširivati kapacitet vrtića i zapošljavati drugi. Moram još napomenuti mađa sam već to rekao da je ovaj vrtić najjeftiniji u čitavoj državi. U slučaju da se ne povećaju cijene ja predlažem da se poveća Budžet vrtića. Hvala.

**Predsjedavajuća Aida Bašić:** Hvala lijepo. Replika Firuz Galijašević.

**Vijećnik Firuz Galijašević (replika):** Moja replika je vijećniku Serhatliću na onu zadnju rečenicu kada reče da treba privatizirati Dječiji vrtić. Neki dan smo imali isto tako ponudu jednog privatnog poslodavca koji želi da privatizira Komunalno javno društvo. Počeo sam da sumnjam kojim putem ova sadašnja većina vodi ovaj narod našeg Maglaja. Sumnjam da vodi prodaji javnih ustanova. Žalosno.

**Predsjedavajuća Aida Bašić:** Hvala. Replika Nesib Serhatlić.

**Vijećnik Nesib Serhatlić (replika):** Gospodine Galijaševiću koliko imamo privatnih vrtića u Maglaju, imamo ih jako puno. Ja sam rekao da ako ne ide onako kako treba da ide znači da riješimo probleme koji su se nagomilali u Dječijem vrtiću onda bolje ga ukinuti ako ne ide. Nisam uopšte i to što govorite vezano za inicijative drugih privrednika za privatizaciju drugih javnih preduzeća to uopšte meni nije namjena ni cilj i ja sam protiv toga.

**Predsjedavajuća Aida Bašić:** Replika Firuz.

**Vijećnik Firuz Galijašević (replika):** Ja ne želim ni da pomislim da se bilo koja javna ustanova privatizira. To me ne zanima, Općina i mi čitav sastav Vijeća kao osnivači su dužni da saniraju štetu prouzrokovanu lošim radom ako je loš rad, odnosno gubicima. Mi moramo pomoći javnim ustanovama a ne gledati da ih uništimo.

**Predsjedavajuća Aida Bašić:** Hvala. Eldis Kusur vijećnik izvolite, nakon toga gospođa Hadžić.

**Vijećnik Eldis Kusur:** Ja zaista nisam mislio izaći po ovoj tački, nisam planirao uopšte bilo šta. Javne ustanove kao javne ustanove one su nama svetinja i to nema dileme međutim zaista mi smo ovdje svi ustali i dali smo zakletvu koju smo dali da ćemo ujedno biti servis građanima. Građanstvo interesuje zaista na koji način se vrši prijem djece u Dječiji vrtić. Imamo ovdje direktoricu, uz dužno poštovanje prema kolegi Damiru, ja kao vijećnik moje dijete nije bilo korisnik ovog vrtića ali me zaista interesuje na koji način i nemojte da mi unaprijed svi dajemo neke odgovore kako i na koji način. Imamo direktoricu i ona će nama fino objasniti i reći na koji način. Zaista u drugim sredinama i drugim općinama evo npr. Kakanj, vrtići raspisuju Javni poziv i djeca se prime u vrtić. U gradu ovdje imamo pored javne ustanove Dječiji vrtić imamo još dva privatna vrtića. Nažalost jedan se zatvorio možda prošle godine. Imamo dva vrtića privatna i djeca sva u gradu, na području općine Maglaj krenuvši od Kosove do Kopica od Ulišnjaka do Jablanice do Ravne sva imaju ista prava. Sva ta djeca imaju ista prava da budu dio vrtića a kao javna ustanova nadam se da mora raditi javno i transparentno i da mora se raspisati konkurs za prijem djece u vrtić kao što se raspisuje i javni konkurs za prijem u radni odnos, mora se znati. Da bi se spriječile raznorazne priče i to jednostavno imamo direktoricu ovdje da nam to kaže. Drugo, kolega Firuz možda će me pogrešno shvatiti međutim radi medijskog prezentovanja ovo se sve snima, ova većina okupljena oko SDA i koalicionih partneri nemaju namjeru da urade ono što ste Vi kolegi sugerisali. Mi imamo naprotiv namjeru da pospješimo rad javnih ustanova jer javne ustanove su većinom kao što vidite na koljenima. Javne ustanove treba pomoći maksimalno. Svi smo tu, nas 25 smo izabrani ispred građana i moramo biti servis građana i moramo maksimalno pomagati u prosperitetu i razvoju ovog grada. Ako je kolega Nesib Serhatlić tako kazao jednostavno i ja mislim da nema od privatizacije javne ustanove ništa a i on to tako misli samo je parafrazirao jer Dječiji vrtić mora biti konkurentan, mora biti konkurentan sa drugim vrtićima ujedno pročitao sam materijal i vidljivo je da od prihoda koji prikupi JU Dječiji vrtić je nekih 100-tinjak hiljada a Općina Maglaj dotira 202.000,00 KM rad vrtića. Mislim da u ovom narednom periodu mora se iznalaziti rješenje za Dječiji vrtić, da bude konkurentan i da čak što više da kao

javna ustanova uz pomoć Općine Maglaj, Općinskog vijeća radi konkretne stvari na proširenju svojih kapaciteta jer zaista javnost, mi smo ovdje javnost je nezadovoljna time što nema javnog natječaja za prijem djece u Dječiji vrtić.

**Predsjedavajuća Aida Bašić:** Hvala vijećniku Kusuru, gospođa Hadžić zatim Kenan Burić, Almin Smailović a poslije toga Damir Bašić.

**Vijećnica Aida Hadžić:** Da pozdravim i ja sve prisutne, ova priča mislim da je bespotrebno da ovoliko se širimo. Podsjeća me na činjenicu kada smo odnosno na one sjednice kad smo raspravljali o Komunalnom pa se bježalo od toga da se poskupi cijena usluga kao i sada u vrtiću. Mi moramo biti svjesni da mi nismo ni Austrija pa da ne plaćamo vodu, nemamo taj standard. Mi bi svi voljeli da nam djeca idu besplatno u vrtiće nemamo taj standard i moramo biti svjesni da u tim ustanovama rade osobe koje isto tako zahtijevaju da imaju normalnu platu kao i svi drugi. Sa ovakvim načinom rada da se osporava podizanje cijena a to do nas nije, zašto se čeka 3-4 godine da se traži poskupljenje ili povećanje cijena kako hoćete isto kao u Komunalnom društvu. Mi moramo biti svjesni te ekonomske računice ako ta društva ne mogu da opstaju šta mi to možemo . ili ćemo smanjiti neke stavke u Budžetu pa finansirati ta društva ako nam je toliko stalo do tih javnih ustanova ili ćemo povećati cijenu. Nema potrebe što se tiče kriterija i prošle godine smo što se tiče nas iz DF-a tražili da ima kriterij, da se rapiše Javni poziv kada je upis djece u vrtić. Mi od toga zaista ne bježimo, smatramo da je to jedno od rješenja a isto tako i Damirov prijedlog da se napravi strategija, ne mora to biti strategija ali neki plan. Mi nemamo takvih planova. Do koga je, zašto nema tih istraživanja planova, barem 4-5 godina mi nismo u stanju da napravimo plan ni za 10 godina jer kod nas je sve na godinu, dvije, tri. Mislim da smo se malo razvodnili bespotrebno, dajte konkretne prijedloge i zaista ćemo riješiti isto kao što smo ja mislim počeli rješavati Komunalno preduzeće kad smo povećali cijene, koliko god to bilo nepopularno moramo biti svjesni da to jedino tako može funkcionisati. Ekonomija je egzaktna imate podatke, imate pokazatelje prihoda i rashoda. Ne možemo mi biti ništa plaho pametniji od drugih ljudi.

**Predsjedavajuća Aida Bašić:** Hvala gospođu Hadžić. Vijećnik Kenan Burić izvolite.

**Vijećnik Kenan Burić:** Ja vas sve srdačno pozdravlja. Slušajući ove rasprave od prve tačke pa sve do zadnje mislim ovo s moje strane kao nekog novog vijećnika je smiješno slušati. Raspravljamo o jednom, ovi ne prihvataju, ovi prihvataju. Niko konkretan primjer nije naveo zbog čega i zašto. Znači, izašli su Budžet se usvaja ne usvaja zašto trošeno onako. Niko nije dokaz nikakav dostavio. Imate kao što je kolegica rekla napisano sve crno na bijelo kako je trošeno koliko je ostalo. Hajmo ta sredstva mislim malo sam skrenuo s teme ali nadovezat ću se dalje. Hajmo ta sredstva koja su ostala utrošiti za naredni period i nešto napraviti a što se tiče vrtića, vidim da je to opet počelo napadanje direktorice, Damira. Svaki direktor ako ne radi dobro treba ga smijeniti, kratko i jasno. Budžet i ova Strategija za 2024/2025 godinu koju sam pročitao stvarno je odlična sviđa mi se i što je gospodin Nesib rekao treba širiti kapacitet vrtića. Treba povećati cijene vrtića kako bi djeca imala što bolje uslove, mislim kako bi kolege iz vrtića imali što bolji rad. Vidim da u Upravnom odboru imaju roditelji koje ja dobro poznajem i koji su zadovoljni radom tog vrtića, niko nije rekao nikakvu negativnu činjenicu o tome. Dakle, trebamo pružiti podršku Dječijem vrtiću, Budžet ako treba povećati ali da djeca imaju što bolje uslove rada. Odgajatelj je neko ko će sutra to dijete izvesti na pravi put od osnovne škole do srednje, od malena djeca uče i mislim da je pravi put da se podrži gospođa Kanita i njen rad i Budžet da povećamo za sve kako bi gradili ono zbog čega smo ovdje. Ne samo od vrtića nego od svih stavki, do svih stvari koje smo predložili ljudima i na kojima ćemo raditi. Hvala puno.

**Predsjedavajuća Aida Bašić:** Hvala lijepo. Vijećnik Almin Smailović.

**Vijećnik Almin Smailović:** Malo smo skrenuli s teme, obzirom da ja dolazim iz sektora obrazovanja i odgoja, dođuše sa malo većim učenicima dajem sebi za pravo da određene stvari po ovom pitanju kažem. Za mene je mjerodavno kada direktor, odnosno menadžer bude ocjenjen od strane nadležne institucije, u ovom slučaju to je kanton. Također, se usvajaju određeni planovi i programi koji se realizuju i to ide striktno po planovima i programima. Ovaj dio da li je upisan neko ili neupisan u to neću ulaziti, to je zaista mislim smiješno. Druga stvar, sektor obrazovanja je jedan kompleksan sektor. Sve što koja godina ide ispred, mi imamo sveveće izazove. Ja ću sada obzirom



da sam ove godine preuzeo prvi razred to je nekako period i tog predškolskog obrazovanja. Vidim koliko su djeca teža za učiti, odgajati obzirom da djeca sada dolaze sa smanjenom pažnjom. To je jedan od najvećih problema. Sve te tete koje rade u vrtiću treba im odati počast jer to je težak i mukotrpan posao a sada svoditi taj rad javne ustanove na dio da li se neko upisao ili ne upisao. Da li je neko ovaj prijevremena došao na red itd itd. to za mene nisu određene adekvatne činjenice da se Izvještaj ne usvoji. Za mene je egzaktan samo u dijelu obrazovanja ono što su dokumenti unutar javne ustanove. Dakle planovi i programi ocjena direktorice, odnosno menadžera kako od strane kantonalnog ministarstva, kod nas ocjene daju kantonalno ministarstvo i se ocjenjujemo periodično svake četiri godine. Eh sada ako ćemo mi preduzeće koje posluje dobro, nema nekih narušenih međuljudskih odnosa, nisam čuo to je najbitnije u ovom vremenu, znači da nema narušenih međuljudskih odnosa i da se plate radnicima isplaćuju na vrijeme i onako kako treba. Sada po meni obzirom da sam iz obrazovanja nikad plate nisu, znači ne prate aktivnosti koje radnici u obrazovaju rade. Tako da ne bih želio dužiti ima dosta stvari. Zaista ova današnja diskusija podsjeća na moj slučaj recimo ja sam prošle godine vratio vijećnički mandat možda je to bilo smiješno nekome kao budala borio se pa vratio mandat. Vratio sam iz razloga jer možda nisam sebe vidio u tom dato momentu u politici i htio sam da dodem u taj sektor gdje mogu dosta toga uraditi i sve se učinilo da ja ne dodem, da ne rukovodim tom javnom ustanovom i šta se u konačnici desilo. Desilo se da su ti eto političkim mojim opredjeljenjem htjeli svi da me osujete i eto osujetili su ali nisu mene, osujetili su roditelje koji imaju godinu dana v.d. pa nemaju ništa u školi pa imaju nekog potpisnika, pa je škola dovedena na dno.

**Predsjedavajuća Aida Bašić:** Molim Vas samo diskutujemo o JU Dječiji vrtić, mislim da ste se malo odmakeli od tačke o kojoj trebate diskutovati.

**Vijećnik Almin Smailović:** Vidim da ide u ovom istom smjeru.

**Predsjedavajuća Aida Bašić:** Aposlutno Osnovna škola Novi Šeher nema veze sa ovim.

**Vijećnik Almin Smailović:** Pa imaju ovi postupci, molim Vas nemojte me prekidati ja imam pravo da diskutujem.

**Predsjedavajuća Aida Bašić:** Ja imam pravo da vas prekidam jer skoro ste na kraju svog dozvoljenog vremena.

**Vijećnik Almin Smailović:** Što se tiče finansijskog dijela, o tome se može raspravljati ali morate znati da je ovo najniža cijena usluge. To je ta stavka, sad idemo, ušli bi u neke nepopularne mjere koje se možda moraju raditi da bi ovaj drugi dio ispunili ali kažem nisam čuo argumentaciju valjanu da bi onaj ovaj Izvještaj ili rad eventualno direktorice smatrao loš. To je moj stav jer sve ostale stavke koje sam već do sada nabrojao su mjerodavne da kakav je ko menadžer i kako radi u javnoj ustanovi. Hvala.

**Predsjedavajuća Aida Bašić:** Hvala lijepo. Vijećnik Damir Bašić, odustali ste. Hvala. Vijećnik Senad Šehić izvolite.

**Vijećnik Senad Šehić:** Nekoliko sam stvari pribilježio tokom ovih prethodnih diskusija. Dakle jedan od vijećnika je rekao da su u pitanju enormna izdvajanja iz Budžeta Općine Maglaj pa bih tako naveo primjer koliko sam ja uspio prikupiti podataka recimo u Kaknju izdvajaju preko 300.000, čini mi se u Zenici skoro milion. U Zavidovićima preko 300.000 a cijene vrtića su oko 200 maraka. Dakle govorimo o izdvajanjima za javne ustanove. S druge strane imamo prijedlog drugog vijećnika iz iste većine da se dodatna sredstva izdvoje iz Budžeta. Ono koliko ja znam iz Budžeta se finansiraju ja mislim samo plaće uposlenika, 66%. Evo i maloprije ko je prije mene govorio jel Almin, ono što je zaista konkretno, ono što trebamo istaći a to je sve ove godine sačuvana ta najniža cijena u državi koja definitivno najniža 120,00 KM i moram izdvojiti recimo podataka to se možda može pripisati recimo prethodnoj vlasti na koji na koji način se jel prethodna vlast borila da to stabilizuje, da čuva taj iznos. Pa recimo izdvajanja iz 2018. godine su iznosila 119.498,00 KM za JU Dječiji vrtić Maglaj, pa onda recimo 2020. godine, 180.000,00, 2022. godine 182.000,00 itd. zaključno sa ovom godinom jeli kad taj iznos je oko 200.000. Naravno sve ove godine rasli su i standardi i plaće uposlenika a isto tako rasli su i troškovi. Da li se sa ovim povećanjem izdvajanja novca iz Budžeta upravo sačuvala ta cijena, možemo reći na neki način da jeste. Tako da evo ja mogu i priznati i neku vrstu krivice kao neko ko je obnašao u proteklom

periodu, bio dio vlasti da nismo uspjeli uraditi nešto više po pitanju proširenja kapaciteta JU Dječiji vrtić Maglaj. Znam da svaki put evo reičmo u Izvještaju direktorice to stajalo kao prijedlog ili proširenje kapaciteta ili povećanje cijene. Ja sam više za to da pokušamo proširiti kapacitete i da pokušamo zadržati tu cijenu. Mi smo osnivači javne ustanove kao i svih drugih, naša je briga da vodimo računa o javnim ustanovama. Naravno ne smijemo zanemariti privatne vrtiće. Trebamo nastojati da i njima pružimo i pružamo i dalje podršku. Svjesni smo svi razlike u cijenama ali još jednom ponavljam naša je primarna obaveza da se brinemo o javnim ustanovama. Sad dakle u narednom periodu evo imamo novu vlast dakle hoće li fokus biti na povećanju cijene usluge ili ćemo gledati da proširimo kapacitete to je na novoj vlasti dakle. U kriterije ne bih ulazio zaista taj mi detalj nije poznat o tome može direktorica više govoriti ali ono što još jednom želim istaći i većina kolega je to sugerisala moramo se svi uključiti u rješenja da pomognemo JU Dječiji vrtić Maglaj, da radimo na proširenju kapaciteta, naravno privatizacija ne dolazi u obzir. Mi ćemo se svi zajedno boriti da sačuvamo svoje javne ustanove da one posluju na zdravijim temeljima, tako da to je to. Evo vrijeme je pred nama pa vidjet ćemo koja nam se rješenja nude.

**Predsjedavajuća Aida Bašić:** Hvala Senade. Da li ima više vijećnika za diskusiju? Ukoliko nema, direktorice ja vas pozivam da ponudite odgovore vijećnicima. Nadam se da ste zapisali, ja vas mogu na kea podsjetiti.

**Kanita Bašić:** Nisam zapisala baš pitanja. Pitanja su ne znam ni da su bila pitanja, bila je diskusija i drago mi je da se ovako ide u ovom smjeru ova priča. Jedne godine čini mi se da je i sadašnji načelnik tada bio u Vijeću kada je predlagao kriterije za upis. Ja sam rekla da je konstruktivan prijedlog i to je jedini konstruktivan prijedlog na ovoj sjednici danas. Niti jedan drugi nisam čula. Neko je spominjao metodologiju da se ne radi po metodologiji. Meni je zaista žao, po metodolgiji moramo raditi i to je jedini način po kojoj se radi Godišnji program rada, ne postoji ništa drugo. Čula sam neku diskriminaciju u pozadini. U članu Zakona o predškolskom odgoju postoji zakon član 4.gdje stoji zabrana diskriminacije, da smo ga prekršili mi ne bi smo dobili nikada saglasnot za rad, da smo prekršili sve ostale zakone ne bismo dobili suglasnost za rad a dobijamo je već 6 godina. Dobijamo najvišu ocjenu, naročito se ističe za naš rad i ja kao menadžerica ove ustanove i stojim iza toga. U članu zakon 14.prijem djece stoji: Djeca se tokom cijele godine primaju u predškolsku ustanovu u skladu sa ovim zakonom, podzakonskim aktima ustanove i ostalim propisima u području odgoja i obrazovanja. Javna i privatna predškolska usatnova u pogledu ostvarivanja uvjeta i provođenja procedura bez diskriminacije osigurava jednake mogućnosti i uvjete za prijem sve djece. Prije polaska u predškolsku ustanovu djeca obavljaju ljekarski pregled. Prijem djece u predškolsku ustanovu vrši direktor. Hvala.

**Predsjedavajuća Aida Bašić:** Hvala lijepo. Ako sam ja dobro vidjela gospodin Bradarić se nekad ranije javljao. Izvolite.

**Ferhat Bradarić:** Da vas sve pozdravim i da vam čestitam na mandatu i zaželim uspješan rad. Bio sam ponukan ovom pričom pa sam kasnije nešto razmišljao da odustanem od toga ali obzirom da sam roditelj koji je imao dva dječaka u privatnom vrtiću i često sam razgovarao sa tim roditeljima i ova malo diskusija mi je kao roditelja koji sluša vas ovdje malo neozbiljna iz jednog prostog razloga što vi vršite podjelu djece na privilegovane koji idu u javnu ustanovu i plaćaju daleko manji iznos nego oni koji idu u privatni. Radi se o javnom novcu znači svih roditelja koji uplaćuju Budžet a iz Budžeta se finansira ili sufinansira recimo privatni vrtić sa neke 2.500,00 KM a državni sa 120.000,00 i ja to podržavam i to je jedna lijepa gesta i tako treba i dalje raditi ali veliki broj roditelja radi se o stotinama ljudi koji imaju djecu, koji plaćaju cijenu po 250 maraka po jednom djetetu, znači to je nekih 500 maraka i nemaju priliku da kažu ovdje i da vi njih saslušate. Moj prijedlog ko roditelja, imam ako Bog dan djevojčicu koju pripremam za vrtić i ići će u privatni naravno jer ne želim da ulazim u nikakve priče da bude privilegovana da razmišljate i o toj djeci i o tim roditeljima koji rade i žive u Maglaju i idu u privatne vrtiće. Nije pošteno to je priča roditelja koji ima priliku da razgovara sa tim ljudima i tim ženama koje rade po Bontexu, po Excelu i plaćaju 500 maraka za dvoje djece. Samo toliko.

**Predsjedavajuća Aida Bašić:** Hvala lijepo. Evo još rasprava nije zaključena. Gospodin Kusus izvolite.

**Vijećnik Eldis Kusur:** Pa upravo do onog dolazimo što je i gospodin Ferhat kazao maloprije direktorica pročitala član 14. Zakona o predškolskom obrazovanju ZDK, pa sam ja u međuvremenu da se i ja malo konsultujem i stvarno zaista piše član 14. Prijem djece. U tom članu piše javna i privatna predškolska ustanova u pogledu ostvarivanja uvijeta i provođenja procedura bez diskriminacije osigurava jednaku mogućnost i uvijete za prijem sve djece. Ja sada postavljam kao vijećnik pitanje ponovo, maloprije je kolega Burić rekao oko prijema. Zaista prijem je kolega Buriću mnogim ljudima i mnogim roditeljima bitan. Imaju li ovdje u ovom slučaju sva djeca sa područja općine Maglaj koja žive i roditelji koji svoju djecu šalju u vrtić ovo pravo da im je osigurana jednakost, jednaka mogućnost i da imaju svi iste uvijete za prijem. Ovo što piše direktorice dole u članu 14. stav 4. pa logično je kad se provede sva ova procedura shodno stavu 3, da direktor potpisuje te akte na osnovu utvrđenog kad se kriteriji, da se provede javni poziv, bilo šta da mora direktor potpisati taj akt i da se na osnovu tog akta prime djeca u vrtić. Ja tako vidim razjašnjenje ovog člana zakona. Po meni imam svoj sud ovdje na području općine Maglaj sva djeca nemaju jednaka prava da budu primljena u javnu ustanovu Dječiji vrtić. Šta je problem menadžmentu evo pitam kao osoba čije dijete nije korisnik bilo ovog vrtića. Zašto je problem raspisati početkom godine ili već kako kalendari određuju ovim obrazovnim takoreći ustanovama da se raspiše javni poziv i da se svi roditelji prijave na taj javni poziv. Ko ne zadovolji kriterij neće biti primljen ide u privatni vrtić i to je to. Sve se svelo oko toga ali zaista je li problem da se napravi kriterij o prijemu djece u javni vrtić.

**Predsjedavajuća Aida Bašić:** Hvala vijećniku Kusuru. Evo prije direktorice vijećnik Eldin.

**Vijećnik Eldin Pehrat:** Ja sam našao Izvještaj o radu za 2021/2022. godinu, to je prošli mandat pa ću pročitati samo zadnje dvije rečenice na upit kolege Jašića tada. Ovdje piše djece je toliko koliko jeste maksimalan broj upisan u vrtić, nema prijavanih obrazaca. Ovo je odgovor direktorice. Ove godine se nisu ni uzimala djeca više, to je sveska jedna u koju ja upišem ako vi Jašiću danas došao je Jašić da prijavi svoje dijete. Dakle, to nije transparentnost ja sam govorio o tome. Dakle, Vi upišete i kako onda Vi pozivate ne razumijem, zaista ne razumijem. Kada upišete, kako pozovete poslije po kojem redoslijedu kako mi znamo ko je, kako bilo ko zna da li je to po redoslijedu kako roditelj dolazi ili kako ne znam. Ja smatram da trebaju postojati određeni kriteriji na osnovu kojih će se primiti djeca u taj vrtić bez obzira ko je kad došao.

**Predsjedavajuća Aida Bašić:** Hvala lijepo. Vijećnik Adin Obralić izvolite. Direktorice vijećnici imaju prednost, morat ćete sačekati malo.

**Vijećnik Adin Obralić:** Zahvaljujem. Mislim da ovdje najmanje pričamo o Izvještaju i tom finansijskom aspektu, da pričamo najviše o tome nekom prijemu što bi možda po meni trebali napraviti neku tematsku sjednicu da se odredi taj prijem i tako, međutim kad smo već kod toga volio bih da pitam evo kolegu Eldisa ti kriteriji. Raspiše se taj javni konkurs ali nigdje ne piše da treba javni konkurs ali evo da ga raspišemo po standardima i normativima ima prostora za petoro djece. Kriterij zadovolji 15 djece, koga primiti, koga primiti u tom slučaju a da se ne naljuti poslije. Šta uraditi?

**Predsjedavajuća Aida Bašić:** Hvala lijepo. Eldis replika,

**Vijećnik Eldis Kusur (replika):** Meni je žao doktore što Vam moram odgovoriti ali zaista vidi se da niste iz tog faha pa kriterij određuju prijem djece. To je takasativno nabrojano po kojim kriterijima se neko dijete prima. Može se prijaviti 100 djece na konkurs koji prima petoro ali kriteriji će na kraju izdefinisati kojih 5 ide a kojih 95 ne ide. Znači, kriterij je uopćena riječ a unutar tih kriterija se razrade stvake po kojima se neko negdje prima i sam kapacitet. Bodovanje itd, primanja, koliko djece. Pa mogu oni svi zadovoljiti ali po kriterijima će se razlikovati po prijemu po bodovima.

**Predsjedavajuća Aida Bašić:** Molim Vas s mjesta nemojte razgovarati, javite se za riječ. Hvala gospodin Kusur. Arif se javio za riječ.

**Vijećnik Arif Mujkanović:** Svodi se na to ljudi moji, cijena koštanja je ovog vrtića 120,00 KM da ne filozofiramo svi idemo u svake centre gdje je jeftinije i ovdje nemojte da izmišljate toplu vodu, topla voda je izmišljena. Znači, ide normalno da će požuriti tražiti će da svoje dijete da smjesti tu. Ja imam svoje iskustvo dvoje djece su bili nisam uspio da produ, zašto nisam mogao.

Bilo je previše djece, moja djeca su sad hvala Bogu već i završila i školu i fakultete idu ali je bio taj period kada nisu mogli da uđu tu. Sljedeća stvar naše što kaže Nesib u jednom momentu mi moramo razmišljati na jedan drugi način, šta mi možemo uraditi da se prošire kapaciteti, odnosno Aidino ono povećanje cijene vrtića da ne bude da se ipak malo učestvuju više roditelji i da ne kažem da se izjednače otprilike sa vrtićima koji su u privatnoj režiji. Tek tada možemo razmišljati o nekom načinu ali to znači trebamo pomoći mi kao zakonodavno tijelo, kao Vijeće direktorici da ima taj put da bude trasirao. Ona ne može ništa bez nas to uraditi.

**Predsjedavajuća Aida Bašić:** Hvala lijepo. Ukoliko nema više vijećnika za diskusiju ja pozivam direktoricu evo još jednom da budemo u potpunosti transparentni i kaže šta ima.

**Kanita Bašić:** Evo opet o kriterijima, opet se neke rasprave otvorile. Pitanje evo neko je postavio Adin čini mi se vijećnik kako. Bila bi ta djeca opet jednaka, opet imamo tu zabranu diskriminacije koja poziva je li na jednakost, na mogućnost jednakih uvijeta za prijem sve djece. Kriterijima mi već negdje razvrstavamo tu djecu, već nemaju svi jednake mogućnosti da uđu u ustanovu. Kriteriji nisu loši, kriteriji ne postoje u zakonu, ne postoje u našim pravilima, znači našim internim aktima. U našim internim aktima postoje samo pravila za upis djece, da prednost imaju oni koji su već u vrtiću koja imaju djecu već u vrtiću i djeca uposlenika. To je ono što mi možemo pružiti našim roditeljima koji su tu i naravno da će htjeti da im i drugo ili treće dijete bude u našoj ustanovi. Nama je cilj da upišemo djecu prvenstveno u jaslice jer imamo mogućnost da pratimo rast i napredak te djece od prve godine života pa do polaska u školu. Popunjavanju se prvo znači djeca u jaslicama po tim spiskovima kada se prijavljivaju ono što ostane u drugim grupama jer automatski kad popunimo jaslice, pa djeca koja su prevazišla tu grupu prelaze u starije grupe i popunjavaju te kapacitete drugih grupa. Onoliko mjesta koliko se uprazni u drugim grupama ubacujemo i tu djecu starije životne dobi. Znači, prioritet su nam jaslice i svake godine gledamo da upišemo djecu u jaslice. Ove godine upisali smo 13 djece samo u vrtić od tih 13 sedmero je djece od naših roditelja već korisnika usluga. Znači, šestoo djece je sa općine Maglaj. Zato što imaju prednost ne možemo da ih, kako da ih izbacimo, da se riješimo te djece pa da ubacimo neku drugu djecu. Dvije godine pokušavam da se vratim u normalu i da dođem da izjednačim brojno stanje, da nema prekobrojnog broja djece u vrtiću što je bilo prethodnih godina jer to nije zakonski tako se ne radi. Ja tako neću da radim, ne radim godinama ali dok su se iščistile te generacije nismo mogli ni da budemo na ovom nivou sadašnjem od 99 djece. Nekad je bilo i preko tog broja djece. Tako da možda roditeljima nije ni jasno nekad se možda više djece upisivalo jer se više djece i primalo. Nije neko možda zatvarao oči pred zakonom i pred kršenjem nekih odredbi. Meni Bogami niko ne zatvara oči, meni inspekcije ne izlaze iz ustanove tako da do sada je sve urađeno u skladu sa zakonom.

**Predsjedavajuća Aida Bašić:** Hvala lijepo. Vijećnik Adis Abdurahmanović izvolite.

**Vijećnik Adis Abdurahmanović:** Pa evo direktorice zahvaljujem se možda bi bilo puno skraćena ova diskusiju da ste odmah prvi put pojasnili ova neka pravila, kako sam ja shvatio nepisana pravila. Je li ima negdje koliko sam shvatio pravilo je roditelja koji već ima dijete koji plaća 120,00 KM i ima prednost da plaća i za drugo dijete 120,00 KM a evo gospodin koji je izlazio ovdje plaća 250,00 KM. Je li Vi tvrdite direktorice da svi ovi okolni gradovi i svi okolni vrtići rade nešto van zakona s tim što raspisuju javni konkurs za prijem. Je li to nemoguće? Je li nije po zakonu da u Maglaju bude javni konkurs za prijem djece gdje su ta pravila koja ste nam upravo rekli za govornicom. Je li to donio Upravni odbor, je li to pravila koja ste Vi naslijedili? Jesu li to pravila koja ste Vi uveli? Puno je pitanja. Milsim konkretno sam vas pitao ako može.

**Predsjedavajuća Aida Bašić:** Hvala lijepo.

**Kanita Bašić:** To su pravila JU Dječiji vrtić Maglaj koja postoje, koja su se mijenjala i u toku mog mandata u kojima stoji da prednost pri upisu u Dječiji vrtić imaju ove stavke koje sam maloprije rekla. Ne postoje kriteriji za upis, koje je moguće naravno staviti uz evo konkretne prijedloge i primjere kako da to uradimo. Evo ja vas molim za pomoć i za tematsku sjednicu Adin Obralić je rekao pa da riješimo evo to pitanje i da u godinama koje su ispred nas počnemo i mi po kriterijima upisivati. Ja nemam ništa protiv, to bi naprotiv olakšalo meni nekom ko dođe buduću. Ne bi meni svijet kucao na vrata i dolazio kući i molio za upis, ne bi se sjećao da sam ja sjedila s njima u školskoj klupi pa da zbog toga mu trebam dati upis u vrtić. Možda sam prepisivala ili slično. Ne bi

mi tražio mater, oca, komšiju i slično koji su sa mnom bliški nego bi imao kriterije i došao na upis. Nemam ništa protiv ali molim vas za saradnju za pomoć, evo kako bi se napravili i uvrstili u naša Pravila.

**Predsjedavajuća Aida Bašić:** Hvala lijepo. Replika Adis izvolite.

**Vijećnik Adis Abdurahmanović (replika):** Evo hvala Bogu nakon sat vremena dođemo do nekog zaključka. Imamo Pravilnik koji naš 25 uz tematsku sjednicu treba da mijenjamo. Zar to nije moglo biti prije 3,4,5 godina jer mi smo to tražili ali niste nam na ovakav način ni prošle ni prethodne godine obrazložili. Evo ja vam se zahvaljujem i predlažem i prihvatit ćemo i prijedlog gospodina Obralića, tematska sjednica bilo šta Pravilnik postojeći treba mijenjati. Hvala.

**Predsjedavajuća Aida Bašić:** Hvala lijepo. Direktorice izvolite.

**Kanita Bašić:** Adise, ja se zahvaljujem ali problem moram da ispravim problem i nije zaista u posljednjih 5-6 godina, problem je u posljednjih 20 godina. To znaju oni koji su duže ovdje i koji su imali evo i unučad da se neko ne uvrijedi i rođake i ne znam koga već ne. Problem datira i traje već dugo godina, mi se borimo s tim problemom, mi radimo na tom problemu, radimo i u skladu sa ovim budžetskim sredstvima koja su nam data, koja su nam minimalna i ne znam da ćemo moći izdržati kraj godine sa ovim sredstvima ali nismo ni očekivali ovolika poskupljenja i ovakve razhode i izdatke koji su nas zatekli posljednje dvije godine i u Izvještaju stoji da su veći za 8.000,00 KM nego prethodne godine. Zato je možda olakšavajuća varijanta što smo u gubitku samo 1.000 maraka ne svih tih 8000 koliko su nam poskupili izdaci.

**Predsjedavajuća Aida Bašić:** Hvala lijepo. Evo prije nego što zaključimo raspravu, pozivam predsjednike Klubova na kratki sastanak Kolegija, šta bi mogao biti prijedlog zaključka i šta bi konkretno se moglo uraditi dalje po pitanju analize i situacije u JU Dječiji vrtić Maglaj. Diskusiju zatvaram i stavljam na glasanje prijedlog zaključka da se Programom rada Općinskog vijeća za 2025. godinu planira i uvrsti tematska sjednica na kojoj će se analizirati kompletna situacija odnosno stanje u JU Dječiji vrtić Maglaj. To je prijedlog zaključka sa kojim su se složili svi članovi kolegija. Moram napomenuti šta će konkretno biti od materijala na toj tematskoj sjednici i šta će konkretno nas izvijestiti menadžment i Upravni odbor. To će Kolegij prije održavanja tematske sjednice donijeti kao neki svoj zahtjev koji će uputiti Menadžment i Upravnom odboru JU Dječiji vrtić Maglaj. Da mi sada ne konkretiziramo, to će odraditi Kolegij kad bude vrijeme za to. Prijedlog stavljam na glasanje. Ko je za?

**Glasalo za:** : Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH), Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo prijedlog zaključka jednoglasno usvojili. Sada ide na glasanje tačka 12 a) Izvještaj o radu za 2023/24 godinu JU „Dječiji vrtić“ Maglaj sa finansijskim pokazateljima utroška sredstava iz Budžeta Općine Maglaj, ko je za?

**Glasalo za:** : Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

**Uzdržanih:** Nema.

Konstatujem da Izvještaj nije dobio potrebnu većinu. Stavljam na glasanje 12 b) Program rada JU „Dječiji vrtić Maglaj za 2024/2025. godinu, ko je za?

**Glasalo za:** : Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Mušić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Konstatujem ja Program rada nije dobio potrebnu većinu.

## ZAKLJUČAK

12.1. Da se Programom rada Općinskog vijeća Maglaj za 2025. godinu planira tematska sjednica na kojoj će se analizirati stanje u JU „Dječiji vrtić“ Maglaj;

12.2. Ne usvaja se Izvještaj o radu za 2023/24 godinu JU „Dječiji vrtić“ Maglaj sa finansijskim pokazateljima utroška sredstava iz Budžeta Općine Maglaj;

12.3. Ne usvaja se Program rada JU „Dječiji vrtić“ Maglaj za 2024/2025. godinu.

### AD – 13: Informacija o stanju u oblasti poljoprivrede na području općine Maglaj

**Predsjedavajuća Aida Bašić:** Prelazimo na tačku 13. Informacija o stanju u oblasti poljoprivrede na području općine Maglaj. Otvaram raspravu, da li nam je potreban uvodničar? Želite li, ne želite. Da li neko želi diskutovati, gospođa Maida Burajić.

**Vijećnica Maida Burajić:** Evo sve vas selamim i pozdravljam pošto sam prvi put za ovom govornicom iskoristit ću priliku da vam svima zajedno poželim uspješan rad u narednom periodu. U ime Kluba SDA iznosim stav po tački Dnevnog reda Informacija o stanju u oblasti poljoprivrede na području općine Maglaj. Imajući u vidu da je poljoprivreda veoma važan segment našeg društva, te da ima širok uticaj na ekonomiju, ekologiju i društvo u cjelini nastojat ćemo pružiti maksimalnu podršku poljoprivrednim proizvođačima. S tim u vezi potrudit ćemo se da svake godine u Budžetu osiguramo povećanje u iznosu od 5 % u odnosu na prethodnu godinu kada su izdaci za poljoprivredu u pitanju. Smatrajući da veće ulaganje u poljoprivredu može doprinjeti opstanku i razvoju naših poljoprivrednih proizvođača ali i dovesti do povećanja broja zaposlenih što nam je također cilj. Hvala.

**Predsjedavajuća Aida Bašić:** Hvala lijepo. Gospođa Hadžić izvolite, nakon toga Salatović.

**Vijećnica Aida Hadžić:** Obzirom da je ovo Informacija koju primamo k znanju, da možda ne širimo previše diskusiju ali evo da nam ovo bude, da damo neku sugestiju za buduće za pošto već ćemo praviti taj Plan rada za sljedeću godinu da zaista imamo malo ozbiljniju sjednicu i kada je u pitanju poljoprivreda i stanje obrta. Možda da to uzmemo u obzir kada bude onaj Izvještaj o radu načelnika i općinskih službi zaista je poljoprivreda jedna od važnijih grana za nas. Ovo sve što je Maida rekla stoji i slažemo se a jedan od prijedlog a i sugestija da se konačno primi i u Općinu inženjer poljoprivrede jer bez savjeta bez adekvatne pomoći našim poljoprivrednicima ne možemo ni očekivati razvoj i neke bolje rezultate.

**Predsjedavajuća Aida Bašić:** Hvala, vijećnik Salatović izvolite.

**Vijećnik Edin Salatović:** Neću ja dugo jer kolegica Hadžić mi je uzela isto jer mi smo već kao Klub vijećnika SDA godinama govorili o potrebi da se primi kvalificirana osoba koja bi radila na poslovima poljoprivrede jer to poljoprivreda zaista i zaslužuje. Samo bih iskoristio ovu priliku da još jednom pohvalim i zahvalim se gospođi Satki Huskić koja radi na poslovima poljoprivrede zaista žena radi neumorno. Njena rad zaista treba da bude i kao primjer kako da se radi i ophodi sa svim tim svojim strankama. Ni jedan projekat, ni jedan poticaj ne može proći bez nje. Hvala toliko.

**Predsjedavajuća Aida Bašić:** Da li ima još vijećnika? Gospodin Mehinagić.

**Vijećnik Eldin Mehinagić:** I ja bih da iskoristim priliku pošto sam i ja prvi put da pozdravim gospodina načelnika, gospodu predsjedavajuću i dopredsjedavajuću, kolege i sve prisutne. Najjednostavnije rečeno grana poljoprivrede je jedna od najvažniji grana naše općine. Pošto mi svi znamo da je većina stanovništva u Maglaju sa ruralnog dijela i kad se uzme u obzir da registrovani znači poljoprivrednici što većeg nivoa manjeg vjerujte da ima dosta više koji ne mogu ostvariti prava normalno zakonom koja su garantovana za privrednike bilo kojeg nivoa vlasti. Nemojte da olako se shvati ovaj problem maloprije su kolega je rekao o tim podsticajima vjerujte po terenu hodajući i pošto me interesuje i sam imam obradivo zemljište dosta tog novca ne ode u prave ruke o tome trebamo praviti dobro paziti. Jedan evo odmah da krenem od prijedloga da se pored poljoprivrednog inženjera koji bi trebao da ima mjesto u općini Maglaj dovede i jedna komisija za nadzor svih tih finansiranja poljoprivrednika u bilo kojoj traži poljoprivrede. Da li se radi o stočarstvu, žitaricama, peradarstvu ili nebitno. Za sada znači po izvještajima koji smo svi dobili ne možemo reći da je razvoj poljoprivrede na općini Maglaj odličan. Nije zadovoljavajući. Možda jeste kada se uzme u obzir možda vi boje znate volio bih da me ispravi neko ko to bolje zna. Vi svi znate ko su registrovani gazdinstva ili manji obrti što se tiče poljoprivrede to su mahom ljudi starije dobi. Tu imamo problem znači omladine. Mi sve pričamo a ne tražimo konkretno rješenje. Prvenstven cilj je da se omladina uvuče bar s ruralnog dijela u poljoprivredu. Toliko imamo neobrađive zemlje, Toliko imamo prostora imamo mi ljude koji rade na crno, morat ćemo gledati za naredni neki period da se smanji kvadratura plasteničke proizvodnje za poticaje. Ima dosta ja znam ljudi ima dosta po dva plastenika a ne može ostvariti subvenciju nema dovoljnu kvadraturu a pola robe propada. Evo još jedna prijedlog mi u Maglaju nemamo sabirne stanice, nemamo hladnjače. Ova godina je bla rodna godina mi svi znamo. Ja vam kažem da 60 % poljoprivrednih proizvoda propalo nehatom, nečiji nehatom. Čijim vi sami odlučite. Znači, volio bih da se nade eto dao sam dva prijedloga da se osnuje ta komisija za nadzor. Reći ću vam iz ličnog primjera ne bih ovdje nikog imenovao ali ljudi posade voćnjak samo da dobiju poticaj. Da dobiju odštetu od leđa, nema nadzorne komisije da i vidi i da je to prešlo u živicu. Ne samo u tom u svemu. To je jedan prijedlog i drugi stvarno da se iznađe mogućnost da ovom problemu idemo postepeno jer i ja se slažem sa Aidom da nije ovo samo za jednu sjednicu, ovo je tema pored razvoja industrije ako nije prioritet jest uporedo sa njom. Od mene toliko.

**Predsjedavajuća Aida Bašić:** Hvala lijepo, vijećnik Nesib izvolite.

**Vijećnik Nesib Serhatlić:** Čitajući ovu Informaciju uočio sam nekoliko stvari koje smatram da treba ovom prilikom istaći. Nama informacija ko informacija služi da steknemo određenu spoznaju o stanju u poljoprivredi. Poljoprivreda je da kažem jedna od bitnih, nije najbitnija ali je jedna od bitnijih grana privrede u BiH. Čitajući neke tabele u ovoj Informaciji mi imamo 5509 hektara obradivog zemljišta na općini Maglaj. Samo se 933 hektara obrađuje. 4500 hektara se ne obrađuje uopšte zašto? Zašto mi dopuštamo da se taj enorman broj hektara neobrađuje. Šta treba po ovom pitanju. Ovdje predlažem dakle trebalo bi dati inicijative na više nivoa pošto su to njihove nadležnosti da se sva ova zemljišta koja se neobrađuju a obradiva su i imaju vlasnike da se oporezuju. Da se taj porez koji se prikupi, da se iz tog poreza plaćaju sufinansiraju poticaji u poljoprivredi. Tako ćemo prisiliti mnoge vlasnike zemljišta da na neki način obrađuju zemljište. Dalje, imamo poticaje koje smo donijeli ne znam koje godine, da li 2021. ili ne znam ti koje pitam se da li iko prati učinak tih poticaja. Da li analizira znači šta smo tim poticajem dobili. Da li određeni poticaji odnosno njihovi iznosi su adekvatni u odnosu na druge poticaje. Ja mislim da to niko ne analizira, da to samo iz godine u godinu prepisuje i da mislim da bi trebalo da se neko pozabavi s tim problemom. Dalje, mi imamo proizvodnju a imamo i preradu, odnosno mi nemamo preradu. Niko ne pominje ovdje preradu. Naši proizvođači su prisiljeni da daju svoje proizvode po nekim nižim cijenama da ih vožaju tamo i ovamo. Imali smo situaciju u Maglaju da je jedna uspješna firma mljekara Saraj Milk, koja je uspješno radila dugi niz godina da je zatvorila firmu znate zašto, zato što se taj vlasnik nije mogao nositi s problemima. Nije mogao sam rješavati probleme koje su nagomilani u toj grani, u sektoru prerade mljeka. Zato predlažem da razmislimo malo da na neki način možda i u strategiji za privredu i poljoprivredu da predvidimo da određenim

potencijalnim ulagačima u preradu, u kapacitete prerade da ti ljudi da doprinesu da se naši proizvodi koji se uberu, da se daju u besecjenje po nekakvim raznoraznim nakupcima, nego da se ta prikupljena proizvodnja da se prerađuje na općini Maglaj. Jednostavno ta prerada smatram da bi trebala biti budućnost ali evo ne vidim ovdje da mi imamo da smo iole na početku te aktivnosti oko prerađivačkih kapaciteta. Dajte razmislite o tome da pomognemo svi potencijalnim ulagačima koji hoće da ulažu u te kapacitete.

**Predsjedavajuća Aida Bašić:** Hvala lijepo. Da li se još neko javlja za diskusiju? Gospodin Bradarić mislim da ste se bili javili. Ako želite da odgovorite možete.

**Ferhat Bradarić:** Ja sam se javio iz jedinog razloga da kažem da je ovo jedina godina kada je izvršenje Budžeta i za poljoprivredu bit će 100 %. Mi smo ove godine imali 13 javnih poziva za 13 poljoprivrednih proizvodnji. Svih tih 13 su objavljeni putem naših medija gdje su se prijavljivali negdje oko raspoloživih 139 i nešto RPG-ova na 60 i nešto obrta registrovanih u poljoprivredi. Općinska služba je sve to ispoštovala, ocijenila prijave izašla na teren, obišla sve te poljoprivredne proizvođače napravila rang liste i opredjelila sredstva za podršku poljoprivredne proizvodnje i isplatila te poticaje. Pored tih 13 javnih poziva koji su bili a koji su bili raspisani u skladu sa Programom poljoprivredne proizvodnje koju donosi Općinsko vijeće Maglaj početkom marta mjeseca koje je i ovo Vijeće u prošlom sazivu usvojilo je realizovano. Znači 14 tih programa podrške je programa podrške proizvodnje sirovog kravljeg mlijeka od poljoprivrednih proizvođača koji imaju farme muznih krava gdje proizvode sirovo kravlje mlijeko i prodaju ga organizovano otkupljivačima gdje Općina sufinansira sa 10 pfeninga po otkupljenoj listi mlijeka. Znači 195.000,00 KM do sada je utrošeno ako ste pročitali kroz izvještaj 178 hiljad ai nešto. Očekujemo i četvrti kvartal mlijeka gdje će biti otprilike nekih od 20-22. Tone, to je od 20 do 22 hiljade. Sa tih 22 hiljade to će biti 195.000,00 KM ukoliko bude manje po Komisiji Općinskog vijeća koju evo gospodin možda nije do sada upoznat s tim imamo mi već Općinsku komisiju koja je stručna komisija Općinskog vijeća gdje su imenovani stručne osobe sa područja općine Maglaj koje kontrolišu i zajedno sa općinskom službom rade na ovom Programu će ovih preostalih dio do 195.000,00 KM dati u one grane podrške gdje oni smatraju da nije možda utrošeno dovoljno da se izvrši realizacija 100 % sve sa 31.12. Tako da ovo sve što sam ja čuo malo me iznenadilo obzirom da je ova godina bila najkvalitetnija godina po pitanju poljoprivredne proizvodnje i stvarno smo imali kvalitetan odziv od naših poljoprivrednih proizvođača. Ko god je imao poljoprivrednu proizvodnju koja je bila u skladu sa programom. Evo sada do kraja godine ne znam da li ćete ispoštovati vjerovatno nećete Budžet gdje ćete opredijeliti sredstva koja će biti namjenjena za poljoprivrednu proizvodnju. Ta sredstva koja vi opredijelite, mi kao služba pripremamo Program rada kao program utroška sredstava koji se zove Program podrške poljoprivrednoj proizvodnji za 2025. godinu u saradnji sa komisijom koja je stručna za poljoprivredu predložimo Općinskom vijeću kroz javnu raspravu gdje pozivamo sve naše poljoprivredne proizvođače obilazimo čak i mjesne zajednice da vidimo šta oni predlažu da mi podržimo i naravno mi se moramo voditi tom granicom opredijeljenosti sredstava koje vi opredijelite. Ako vi opredijelite 500.000,00 u Budžetu mi ćemo svih tih 500.000 rasporediti međutim ne možemo mi dati da dajemo nekakvu podršku po kg otkupljenog kornišona 30-50 feninga kao što je bio nekad prijedlog jer ćemo onda zadužiti Budžet za nekih dodatnih 100.000, tako da neće biti realizacija kako je planirano u Budžetu. Ne možemo dozvoliti da realizujemo više sredstava od onoga koliko ste vi opredijelili u Budžetu. U dosadašnjem radu kada je u pitanju poljoprivreda nisu to samo sredstva od strane općinskog budžeta. Mi smo do sada otprilike na nivou realizacije poljoprivredne proizvodnje podrške od strane kantona koja kreće se u rangu od nekih 400.000 maraka i od federacije otprilike 350-400 hiljada poljoprivredni proizvođači koji se bave poljoprivrednom proizvodnjom registrovani kroz registre poljoprivrednih gazdinstava, nije to obrt nego je to samo lice koje ima poljoprivredno zemljište i obavlja određenu vrstu poljoprivredne proizvodnje i prijavljuje se na čitav niz desetina javnih poziva koji ima i kantonalno ministarstvo i federalno ministarstvo koje naša kolegica Satka evo neko je spomenuo i pohvalio i svaka čast na toj pohvali radi sversrdno znači pomaže našim sugrađanima negdje oko nepunih milion maraka donese se u Budžet na teritorij općine Maglaj. Kada je u pitanju ja sam bilježio ove neke stvari koje ste vi naveli, ja bih volio da svakako bude i



neka tematska sjednica kada se bude usvajao i Program podrške ali sve opet zavisi koliko budete opredijelili sredstava u Budžetu. Mi imamo 5500 hektara obradive zemlje međutim to su isejpkane površine koje se nalaze u ruralnim područjima gdje je svako to zemljište poljoprivredno i ono gdje se moja kuća nalazi u Liješnici kao privatni objekat gdje imamo još 2-3 neka stambena objekta i pomoćna objekta vodi se kao poljoprivredno a ne građevinsko. To su poljoprivredna zemljišta koja mi koristimo svakodnevno za neke potrebe. Čak su u poslovnim zonama, evo u Liješnici vodi tako. Imamo dva investitora koji su sada u postupku pretvorbe tog zemljišta u građevinsko iako se nalazi u poslovnoj zoni. Tako da ti podaci ovako nekad malo nezgrapni. Koristimo ih hiljade hektara a toliko smo do sada obradili. Kod nas je poljoprivredno zemljište ono gdje god mi živimo. Građevinsko je jedino u užoj gradskoj zoni ili onoj gdje je neko bio prinuđen da promijeni namjenu zemljišta. Kada su u pitanju prerađivači Općina Maglaj radi na tome da privuče investitore međutim Općina Maglaj nije proizvodna institucija ona je upravna institucija. Mi smo organ urave koji pruža podršku i poljopovrednicima i investitorima kod počinjanja neke djelatnosti. Mi redovno prezentujemo evo gospodin Nesib kao izvrstan naš poduzetnik razmjet će jedan kvalitetan program koji daje razvojna banka FBiH. Federalno ministarstvo poljoprivrede ima izuzetno povoljan grant šemu i mi smo čak pozvali predstavnike iz Razvojne banke da prezentuju taj program gdje vi imate svake godine nekih 10-tak miliona maraka daju u granat šemu, znači 50 % je kreditna sredstva na 15 godina sa 36 mjeseci grejs perioda, sa 3,6 % kamate na godišnjem nivou. 35 % daje granta nepovratno i sa 15 % vlastitog učešća. Znači koliki je interes od naših privrednika i obrtnika je nula. Znači, ne želi niko. Zašto to ne želi, ja to ne znam ja to ne mogu da razumijem. Iz perspektive nekoga koji radi u organu uprave mi je to neshvatljivo, možda iz perspektivne onog čovjeka koji treba da to nešto uradi da pokrene je strah nesigurnost, možda i gubitka imovine privatne ako ne uspije s te strane ga i razumijem. Država konkretno osigurava kvalitetna sredstva, mi imamo priliku da pozovemo ponovo predstavnike razvojne banke da prezentuje te mogućnosti, to su sredstva koja su na nivou nekih 25 miliona maraka investicije. Evo hipotetički da vam samo kažem ako vi zaokružite investiciju na milion maraka, dižete kredit na 500.000,00 na 15 godina po grnat šemi 3,6 % i sa 36 mjeseci grejs perioda. Rok otplate 15 godina, 12 godina otplaćujete. Dobijate 350.000,00 granta na 500.000 a vlastito učešće 150.000. i sa tih 150.000 maraka i započinjete svoju investiciju. Hipoteka je kolateral 1 :1,5 % može da bude bilo koja hipoteka, mora biti nepokretnost. Pokrenosti su 1:2 puta kolateral međutim opet ne postoji interes. Pored takvih povoljnih sredstava. Mi ne možemo nekoga natjerati da krene u investiciju, znači to je privatna želja, privatna inicijativa od nekoga a organ uprave je tu da da podršku, da mi kao organ uprave i kao služba dajemo podršku privrednicima i kod takvih investicija međutim poljoprivreda je osjetljivo područje ljudi su u nekoj zoni nesigurnosti straha itd. Ne bih ja previše ja previše duljio vidim da završavamo uskoro ali uglavnom htio bih da kažem da evo sada vi ste u postupku donošenju Budžeta ko budete razmišljali o nečemu većem morate razumjeti da mi kao služba se moramo voditi granicama koliko opredijelite u Budžetu, toliko je i sredstava za poljopovredu.

**Predsjedavajuća Aida Bašić:** Hvala lijepo. Da li ima više diskutacija? Vijećnik Mehinagić.

**Vijećnik Eldin Mehinagić:** Samo da razjasnim, nije meni bila namjera kritikovati službe Općine, čak tamo sam vidio da je napravljen taj plan 2021/2027 i da je konstantno povećavan Budžet za poljopovredu. Znači, ja sam samo iznio činjenicu i opet ponavljam vlasnici su gazdinstva poljopovrede su mahom stariji ljudi, ako se nastavi trend normalno nikog mi ne možemo natjerati da se bavi poslom koji neće ali ako sen astavi taj trend a znamo da se na konkurse ne javljaju mahom mlađi ljudi, čak više ni u građevini ni u ostalim oblastim bojim se da će poljopovreda u Magalaju svesti se na minimum. Slažem se ja sa izlaganjem gospodina Nesiba, treba ovdje u Maglaju i otkupna stanica i naći mogućnost za preradu proizvoda. Bilo nekom smiješno ne bilo, ja vam garantujem da svaki proizvođač kažem pola mi kaže propadne moram uzeti robu. Evo ja imam na Bijeloj Ploči jednog ja mislim od najjačih poljopovrednih proizvođača, naš mali Aske koji je na kraju krajeva prisiljen da mora ići na koridor i uzeti robu, jer mu pola robe propadne nema je gdje. Malo smiješno ali istinito. Nije mi namjera znači, upoznat sam o radu Općine u

prošlom periodu i za pohvalit je i ti podsticaji i rad daleko od toga. Ja sam iznio problem za budućnost poljopovrede, problem otkupnih stanica, hladnjača i preradu. Hvala.

**Predsjedavajuća Aida Bašić:** Hvala lijepo. Da li se još neko javlja za riječ? Ukoliko nema zatvaram raspravu. Radi se o Informaciji i Informaciju Općinsko vijeće prima k znanju uz prijedlog službi da sve iznesene prijedloge od strane vijećnika analizira i uzme u razmatranje u nekim daljnjim planovima i samom radu.

## ZAKLJUČAK

13.). Prima se k znanju Informacija o stanju u oblasti poljoprivrede na području općine Maglaj uz prijedlog Službi za privredu, finansije i razvoj poduzetništva da sve prijedloge vijećnika koji su izneseni u toku rasprave na sjednici uzme u razmatranje i analizu u daljem radu.

### AD – 14: Informacija o stanju obrta, malog i srednjeg poduzetništva na općini Maglaj

**Predsjedavajuća Aida Bašić:** Prelazimo na tačku 14. a to je Informacija o stanju obrta, malog i srednjeg poduzetništva na općini Maglaj. Otvaram raspravu, da li je potreban uvodničar. Ne želite. Za riječ se javio vijećnik Firuz.

**Vijećnik Firuz Galijašević:** Evo ja moram ovdje odmah da vidim neke nelogičnosti to govorim i kao vijećnik i kao uposlenik ili zaposlenik Službe za zapošljavanje ZE-DO kantona Biro Maglaj.

Na strani 8 u tabeli stepen nezaposlenosti u ZE-DO kantonu u 2023. godini stoji da Maglaj ima 3417 nezaposlenih. Na 38. Sjednici Općinskog vijeća 03.06. ove godine bila je tačka Informacija o stanju i kretanju nezaposlenosti i zapošljavanju na području općine Maglaj za 2023. godinu. U toj informaciji, lijepo stoji da imamo 2965 nezaposlenih a ovdje stoji 3417. To mi nije jasno, odakle je taj podatak. Onda sam pogledao u toj istoj informaciji na strani 5 su nam pobrojane godine od 2016.godine do 2023.godine broj nezaposlenih. Pa je 2016. godine bilo 4834 i svake godine je broj padao, da bi smo došli do 2023. godine kada je bilo 2965. To je skoro dvije hiljade nezaposlenih manje za ovih 8 godina. Čudno, baš toliko je prethodni načelnik bio načelnik. Baš ovih 8 godina od 2016. do 2023. godine. Za skoro 2000 manje, ne kažem ja da je on umanjio 2000 nezaposlenih. Na birou postoje mnogi razlozi ali da je pomogao jeste. Onda u ovoj istoj tabeli na strani 8. gdje stoji da Maglaj ima 3417 nezaposlenih, stoji da je stopa ili stepen nezaposlenosti 44,3 %. Ovdje je izračunata stopa udio nezaposlenih u radnoj snazi a mislim da se stopa računa udio nezaposlenih u aktivnim kako se, eto sad u radno sposobnom stanovništvu radno sposobno stanovništvo. Znači, udio nezaposlenih u radno sposobnom stanovništvu. Tako se računa stopa nezaposlenosti. Ja bar tako mislim. Eto toliko za sada, pa ćemo vidjeti.

**Predsjedavajuća Aida Bašić:** Hvala lijepo, da li se još neko javlja za diskusiju. vijećnik Burić izvolite.

**Vijećnik Kenan Burić:** Ja bih se samo obratio gospodinu Firuzu kad je rekao da je gospodin bivši načelnik, gospodin Mirsad davao punu podršku i mislim zapošljavanje i tome, ja se s tim ne bih složio. Ja kao mali privrednik i koji imam obrt već 5 godina, ja nikad nisam za ovih 5 godina sjeo sa gospodinom načelnikom popričao da vidimo kako moj obrt ide, kakva pomoć treba, da li treba, da li treba zapošljavati. Mislim, nije bilo pune podrške malim privrednicima, ja ne znam evo u zadnjih 5 godina, otvorilo se možda 2 vrtića, opravljene kolača, slastičarna ali mi privredu ovdje nemamo kako bi trebalo da imamo i kakav mi položaj imamo za razvoj naše općine. Ja iz svog iskustva govorim da nikakvu podršku od gospodina Mirsada nisam imao za ovih 5 godina.

**Predsjedavajuća Aida Bašić:** Hvala lijepo. Replika Firuz.

**Vijećnik Firuz Galijašević (replika):** Ne sjećam se da sam rekao da je on davao podršku, nego da je pomogao tome jeste a zaboravljate i jedan od velikih privrednika je ušao u našu opštinu Bingo. U ovih 8 godina je napravljen Bingo, provjerite koliko ima radnika u samom Bingo.

**Predsjedavajuća Aida Bašić:** Hvala lijepo. Vijećnik Burić izvolite.

**Vijećnik Kenan Burić:** Sve to ima svoj smisao Bingo, Konzum, Mega diskont sve to ima, ali za Vašu informaciju znate li koliko ima domaćih proizvoda u tim, mislim s općine Maglaj, koliko ima proizvoda u tim objektima. D ali možete dati tu informaciju, pošto vidim da znate sve pa eto da i tu informaciju da mi kažete a ja ću vam odmah reći koliko ima.

**Predsjedavajuća Aida Bašić:** Hvala lijepo. Gospođa Hadžić izvolite.

**Vijećnica Aida Hadžić:** Ja bih samo da pitam kolegu Firuza gdje su otišle te dvije hiljade? Na rubriku broja zaposlenih nisu sigurno. Zadnji podaci porezne govore da je u Maglaju zaključno sa 30.11.2024. godine zaposleno 4210 zaposlenih što je recimo 101 u odnosu ove četiri godine zadnje manje nego što je bilo. Mislim da je pred nama puno pitanja. Ja smatram pred nama svima ne samo koja je većina, nije to bitno. Smatram da zajedno možemo rješavati dosta puno problema. Da je puno pitanja koja stoje pred nama. Recimo nešto slično što je Nesib govorio, kakvi su efekti poticaja kao i kakvi su efekti subvencije. Mi moramo voditi računa imamo START UP program, imamo poticaje za razvoj šta mi dobijemo od tog dugoročno. Da li je to samo godina dana pa se ti obrti zatvore. U čemu je problem zašto se zatvaraju znači, kakvo je stanje sa komunalnom infrastrukturom, kakav je status i strategija razvoja poslovnih zona, kakav nam je odnos prema mladima, mladim bračnim parovima, obrazovni sistem. Mislim da je jako puno problema na koje naravno ne možemo odgovoriti odmah ali evo pred nama je ali nadam se da ćemo uspjeti nešto riješiti. Možda sugestija opet da se aktivira rad Privrednog savjeta kako bi opet pomoglo svima nama u realizaciji tih nekih ciljeva.

**Predsjedavajuća Aida Bašić:** Hvala lijepo. Vijećnik Nesib izvolite.

**Vijećnik Nesib Serhatlić:** Mislim da bi ova tačka, ova Informacija trebala biti na prvom mjestu ne na zadnjem. Ja evo ne vidim puno zainteresovanih vijećnika koji će diskutovati po ovoj tački ali ovo je zaista najbitnija tačka po meni. Privreda, od nje svi živimo. Čitajući ovu Informaciju i radeći analizu u tabeli profit 20 top firmi u Maglaju stanje je super. Znači, imamo 10-tak miliona dobiti od tih 20 top firmi a vjerovatno i od ostalih firmi možda ima još toliko. Međutim, stanje nije dobro. U kom smislu nije dobro u smislu što prvo među privrednicima vlada jedan jaz neorganizovanosti. Niko ni s kim ne priča, ne pije se kafa, ne pravi se udruženje koje će biti prema Općini Maglaj jedan partner u kreiranju politike privrednog razvoja i evo ja predlažem da načelnik pozove privrednike da li prije Nove godine, da li poslije Nove godine i da sasluša koji su to problemi u privredi, da se upoznamo malo sa tim ljudima, sa tim problemima a s druge strane treba dati sve od sebe da ti ljudi jednom shvate da samo udruženi u jednu organizaciju mogu ići naprijed i mogu ravnopravno biti partneri prema Općini i prema načelniku. Šta još želim da kažem, želim da kažem da moramo otvoriti velike javne radove. Evo ja vam sada s ove govornice tvrdim da u projekciji Budžeta za 2025. godinu možemo sigurno predvidjeti prihod između milion i milion i pol od prodaje građevinskog zemljišta, izgradnje stambenih objekata od renti, uređenja i svega toga. To je znači jedna stvar gdje će se zaposliti veliki broj ljudi i gdje će se grad na neki način izgrađivati i razvijati onako kako treba da se razvija svaki moderan grad. Najveći problem kod privrednika je trenutno radna snaga ja sam govorio kad sam pričao o Strategiji razvoja pričao sam o problemima sa radnom snagom. Da se ne ponavljam, jednostavno mi smo prisiljeni da primamo sve i svašta. Ti više radniku ne smiješ reći, ne smiješ ga mrsko pogledati a kamoli nešto drugo, zaista je tako, možete se vi smijati ali to je tako. Znači trpiš sve i svašta i neradnike samo zato što ponuda radne snage je nikakva i trebamo uvoditi radnu snagu. Ja ću ponovo da ponovim, trebamo nekim mjerama nekim aktivnostima pokušati vratiti naše radnike koji su otišli u inostranstvo. Dalje, politika obrazovanja nije u interesu privrede. Evo ja sam imao jednu situaciju gdje smo prije godinu i pol dana ovdje imali sastanak sa kantonalnim Ministarstvom obrazovanja gdje sam ja tražio shodno planovima da se hotel otvori a tada je bilo to godinu i pol dana, da se upiše jedna generacija kuhara i konobara koja treba svima i bilo je obrazloženje pa to treba, ne može ove godine. Treba iskazati interes, treba ovo treba ono. Tako da jednostavno ljudi kad sve to sagledaju odustanu od svega toga. Nikog nije briga za to. Sve su to stvari koje možda vi znate, možda ne znate ali to su činjenice. Činjenice oko kojih se mi moramo dobro zabrinuti. Sad smo govorili o tematskoj sjednici oko Dječijeg vrtića. Ja smatram da treba imati tematsku sjednicu oko stanja u

privredi, da vidimo šta su problemi, šta se može pomoći, šta se može uraditi, kako se može unaprijediti saradnja sa privrednicima. Mislim da privreda je pokretačka snaga svega, ako nemamo jaku privredu ako nemamo privredu koja je organizovana, onda ne možemo ni mi očekivati neke efekte koje očekujemo. Zaista, dajte evo još jednom da pozovem načelnika da nam omogući da u narednom periodu pozovemo dosta privrednika, ako treba sve privrednike pozvati i da na jednom sastanku iznesu svoje probleme i da u tom interaktivnom razgovoru da vidimo šta nam je činiti i kako ćemo poboljšati ovaj naš privredni rast i razvoj. Toliko, hvala.

**Predsjedavajuća Aida Bašić:** Hvala lijepo. Da li ima više vijećnika za diskusiju, ukoliko nema konstatujem da Informaciju o stanju obrta, malog i srednjeg poduzetništva na općini Maglaj primamo k znanju.

## ZAKLJUČAK

14.1. Prima se k znanju Informacija o stanju obrta, malog i srednjeg poduzetništva na općini Maglajuz prijedlog Službi za privredu, finansije i razvoj poduzetništva da sve prijedloge vijećnika koji su izneseni u toku rasprave na sjednici uzme u razmatranje i analizu u daljem radu.

**Predsjedavajuća Aida Bašić:** Sada prelazimo na vijećnička pitanja i inicijative. Gospodin Firuz, vijećnik Šehić, zatim Obralić.

**Vijećnik Firuz Galijašević:** Ja imam i pitanje i inicijativu. Pitanje je za Načelnika općine, obzirom da je Općinski načelnik preuzeo mandat evo prije mjesec dana i da je formirana vijećnička većina a da na Dnevnom redu sjednice nema ni Budžeta ni rebalansa Budžeta, tražimo od Općinskog načelnika da nam odgovori, da li je potrebno napraviti rebalans Budžeta, da li će to biti do kraja kalendarske godine i da li ćemo zbog ne donošenja rebalansa Budžeta za 2024. godinu, biti finansijski oštećeni. Moja vijećnička inicijativa. Na osnovu člana 53. Statuta Općine Maglaj (Službene novine broj:8/07,3/08 i 6/08) pokrećem vijećničku inicijativu prema Službi za urbanizam, geodetske i imovinsko pravne poslove. Opis problema: svih ovih godina se javlja problem kada je u pitanju zakonitost oko procedure pokretanja postupka za djelimičnu izmjenu Regulacionog plana jer investitori nikada nisu dostavljali dokaze o izmirenim poreznim i drugim obavezama prema institucijama Općine i države iz prethodnih perioda kada su bili vlasnici ili odgovorne osobe pravnog lica. Prijedlog rješenja jeste. Predlažem dopunu spiska potrebne dokumentacije za utvrđivanje uslova u pokretanju postupka za djelimičnu izmjenu regulacionog plana na području općine Maglaj:

1. Uvjerenje Porezne uprave Maglaj o podmirenim poreznim obavezama i uplaćenim obaveznim doprinosima za sve uspolenike;
2. Uvjerenje Uprave za indirektno-neizravno oporezivanje Regionalnog centra Tuzla;
3. Dokaz o solventnosti poslodavca izdatog od banke kod koje poslodavac-investitor ima račun;
4. Uvjerenje KJD d.o.o. Maglaj o plaćenim obavezama i troškovima korištenja komunalnih usluga za fizička i prva lica;
5. Uvjerenje o nekažnjavanju za fizička i pravna lica;
6. Dokaz da investitor ima izmirene poreske i druge obaveze prema institucijama općine i države računajući i na neizmirene obaveze proistekle u prethodnim periodima ukoliko je investitor bio odgovorno lice ili vlasnik pravnog subjekta koje je izbrisano iz sudskog registra ili je pokrenut postupka likvidacije ili stečaja pravnog subjekta.

**Predsjedavajuća Aida Bašić:** Hvala lijepo, vijećnik Šehić izvolite,

**Vijećnik Senad Šehić:** Pokrećem inicijativu za pokretanje Programa subvencioniranja rješavanja stambenog pitanja mladih. Ova mjera ima za cilj pomoći pri rješavanju stambenog pitanja mladih, prije svega mladih bračnih parova koji prvi put rješavaju svoje stambeno pitanje i na taj način potaknuti njihov ostanak u našem gradu. Potrebno je konkretizovati podršku mladim ljudima,

mladim bračnim parovima, te uz trenutne subvencije koje su na snazi i ovom podstičemo razvoj porodica. Slične mjere već se realizuju u našem najbližem komšiluku: Žepču, Tešnju ili Kaknju, gdje se subvencioniraju kamate na stambene kredite, refundiraju troškovi izhodovanja rješenja o odobrenju urbanističke saglasnosti, izdvajaju jednokratne novčane pomoći za kupovinu prve nekretnine i sl.

Molim vas da ovu inicijativu uzmete u razmatranje prilikom kreiranja Budžeta za 2025. godinu, a istu ću detaljnije obrazložiti i uputiti u vidu amandmana na Nacrt Budžeta Općine Maglaj za 2025. godinu. Znam da je ovo bilo pitanje u mnogim predizbornim programima političkih subjekata koji su ovdje parlamentarni tako da mislim konkretnija mjera za ostanak mladih u ovom gradu, da kažem ne može biti bolja. Ko god će pokupiti na ovome kajmak meni je potpuno svejedno.

**Predsjedavajuća Aida Bašić:** Hvala lijepo. Vijećnik Obralić izvolite.

**Vijećnik Adin Obralić:** Ja ću podnijeti jedno vijećničko pitanje upućeno je prema gospodinu načelniku u ime građana općine Maglaja vezano je za zimsko održavanje saobraćajnica na području naše općine. Poznato je da po zakonu općine moraju imati potpisane ugovore za zimsko održavanje saobraćajnica. Kod nas u Maglaju kada je u pitanju gradsko područje održavanje saobraćajnica opslužuje Komunalno javno društvo dok se za izvangradsko područje provodi tenderska procedura i bira izvođač. Da ne duljim, nedavno smo već sa prvim snijegom imali žalbe građana na održavanje ovih saobraćajnica. Oglasio se naravno i Općinski načelnik vezano povodom toga, time se pravdao da nisu adekvatni ugovori. Ono što hoćemo da kažemo, to ukazuje da neko u tome procesu je odradio mimo pravila struke pa možda čak i zakona. ono što tražimo po ovom pitanju jeste od Općinskog načelnika odgovor koji ugovor ili ugovori za zimsko održavanje nisu adekvatni i zbog čega i da li je taj nedostatak otklonjen u međuvremenu. Molim pismeni odgovor.

**Predsjedavajuća Aida Bašić:** Hvala lijepo, vijećnik Arif izvolite.

**Vijećnik Arif Mujkanović:** Dostavit ću u pisanoj formi zaboravio sam vjerujte, međutim moja vijećnička inicijativa ili pitanje kako god hoćete tiče se toga obraćam se Općinskom načelniku da se uključi aktivno u rješavanje jednog zaista vjerujte velikog problema koji imamo trenutno na području cijele općine. Naime, radi se o sljedećem. Svjedoci smo svi prekomjernog korištenja teretnih kamiona na području na potezu iz Paklenice, regionalnim putem koristeći Stari Grad, gradski most, ulica Srebreničkih žrtava rata i mogli ste već primjetiti ogromne deformacije na asfaltu a neki dan mogu dostaviti čak i foto dokumentaciju tri kamiona sa teretom su stajala na Gradskom mostu. Vjerujte da ćemo ostati bez tog mosta a svjedoci ste bar mi ovdje smo neki bili smo vijećnici i u proteklom sazivu, gdje smo potencirali i upozoravali na ovaj problem sa prolaskom tih kamiona kroz gradske ulice, da ćemo se suočiti sa tim. Nažalost, obistinilo se to. Zaista, molim Vas načelniče uključite se, apelujte sa svojim uticajerm na Policijsku stanicu Maglaj, pokušajte da iskoristimo sada i ovu tehniku da se stave kamere i da se retroaktivno ako je 5 puta danas prošao 5 kazni neka dobije, neka plati. Na taj način ćemo sačuvati ovo. Nemojte da idemo na da koljemo bika za kilu mesa. Potrat će nam puteve, pogledajte put do Bijele Ploče da su svi kolnici propali. Ja vas zaista molim, kao prvog čovjeka Maglaj, uključite se i pomozite da se to riješi. Hvala.

**Predsjedavajuća Aida Bašić:** Hvala lijepo. Da li ima više vijećnika? Ukoliko nema, zaključujem I.redovnu sjednicu Općinskog vijeća Maglaj u 20,57 sati.

Sjednica zaključena u 21,00 sati.

Zapisničar

Elza Gračić Skejić



PREDSEDVAJUĆA

Aida Bašić

